




漢書門			
一	二	三	六
冊	架	函	號

內閣文庫			
一	二	三	六
函	冊	架	號

內閣文庫			
番號	漢	12631	
冊數	6 (6)		
函號	301	89	





丹臺玉案卷之六

明新安休邑後學孫文胤對薇父叅著

古潤外父 江東銘懷一父 較正

常山縣庠盟弟黃袁仁德懷父

全閱

蘭陰 盟 弟方調元善長父

小兒科

男子婦人之病。可以問而知。可以切而得。斷死生。辨
難易。審差劇。猶有所依據。而不至於大悞。若小兒者。
懷抱之時。雖有所苦。而不能言。及能學語。又不能指。

其苦之處欲診其脈則骸骨短小氣血未足寸關尺
將何以分浮中沉將何以定雖有一指滾取一部之
說而終未得其部位況至數急促豈能以悉察之大
約八九至爲平五六至爲遲十一二至爲數依稀彷彿
之間而已故亞科治療之難每十倍於大人而尤
不可以不慎者也惟虎口之脈稍爲可驗其脈在食
指外側每一部一關二節爲三關男視在左女視在
右有筋脈如系映於肉內仔細觀之紫則爲風紅則
傷寒青則爲驚白則爲疳黃則爲脾困青黑則爲慢

驚入掌則爲內吊若三關通度爲沉疴之候惟此可
以少知之耳雖然幼科之治病當多方求之豈可執
虎口之脈法而盡小兒之諸病哉必於病之未形而
用意察之庶可以爲預消之地如小兒呵欠連綿乃
小兒臟腑受邪病之漸也若面赤則知其風熱而瀉
肝之劑可以先服面青則知其驚風而治驚之劑可
以先服面黃則知其爲脾虛而補脾之劑可以先服
多睡則知其爲內熱而清熱之劑可以先服口中氣
熱則知其爲傷風而疎風之劑可以先服皆當隨症

形而先治之勿俟其發而後用藥也。其有不治之症者，尤不可以不知。小兒眼上有赤脈，顛腫及陷者，一不治也。魚口氣，龕齒咬入者，二不治也。冷汗如雨，痰熱不退者，三不治也。臍風撮口，鎖肚吊腸者，四不治也。風攻，顛領，唇項腫硬者，五不治也。鼻有黑色者，六不治也。咳喘心痛者，七不治也。四肢浮腫者，八不治也。胃高而突起者，九不治也。五軟五硬者，十不治也。凡見此等之症，即當去矣。苟不知幾而復藥之，則病者之歿，雖不由於我，我亦何辭於彼哉。大凡小兒

之病有常多者，不得所慾則易怒而啼。故肝病常多，飲食不知節，雖飽而猶求食，故脾病常多。心神未定，聞響易動，故驚病常多。性喜吮乳，甘食停積而易感風熱，故痰病常多。治兒之病，審其所常多者，酌而施之，以已之意，察病之情，亦庶乎用藥之無悞也。然此數種，雖或常有，而肝脾之病尤多。神而明之，存乎其人，得心應手，不可以言求也。

初誕法

小兒在胎，稟陰陽五行之氣，以生臟腑百骸，藉胎液

以滋養受氣既足自然生育出世之時。口含血塊啼聲一_名出隨即嚙下。而毒伏於命門。遇天行時氣。或飲食停滯。或外感風寒。驚風發熱等。因發為瘡疹。須急於未啼時。用軟帛裹指。空出其血。用黃連硃砂甘草解之。後出痘亦輕。有嚙久。即時肚脹。嘔吐氣短。不乳者。用茯苓丸治之。但黃連性寒。若母稟氣膏梁積熱者。宜服若滋味淡薄。胎元弱者。又不宜用。硃砂固能解毒。恐金石鎮墜。不若牛黃分許。蜜調與吮。為佳。又有嬰兒。因其難產。或冒風寒。而垂厄者。切不可斷臍。

帶急烘綿絮包抱懷中。急以胎衣置火中煨燒。更用大紙捻於臍帶上往來燎之。使煖氣入腹。須臾氣復自甦。猶戒洗浴。恐糜理不密。元氣發泄。而外邪乘之也。

立方

硃蜜法 先以黃連煎湯拭兒口。吐去惡汁。再以硃砂一分。研細。蜂蜜少許。抹兒口。吮之。鎮心定鬼安神解毒。

牛黃法 以牛黃一分。硃砂半分。竹葉七片。煎湯調

灌益肝膽除煩熱祛驚邪辟惡氣除小兒百病
茯苓丸

赤茯苓

黃連

胎冷者易考藥

枳殼

各等分

右為末煉蜜為丸如桐子大海服一丸乳汁化下

護胎法

小兒初生肌膚未實宜用舊絮護其背不可太煖更
宜頻見風日則血氣剛強肌肉緻密若藏於重障密
室或厚衣過煖則筋骨軟脆不任風寒多易致病衣
服當隨寒熱加減但令背煖為佳亦勿令出汗恐表

虛風邪易傷乳哺不宜過飽若宿滯不化用消乳丸
治之陳氏所謂忍三分寒喫七分飽頻揉肚少洗澡
要肚煖頭涼皆至論也須令乳母預慎七情六淫厚
味炙煖則汁清寧兒不致病保嬰之法未病則調治
乳母既病則審治嬰兒亦必兼治其母為善

立方

消乳丸

砂仁炒

蓬朮煨

三稜

陳皮

神麴

麥芽各五錢

香附一兩炒

一色強依時無急逆時殃要分旺相休囚否盡在
人心自酌量春夫青旺赤爲相黑休白囚黃否家
夏夫赤旺黃相吉青休黑囚白不良假爲肝病面
青特白色當春未易醫此是肺金來尅木色黃又
被脾家欺心病夏夫尚面赤望色只愁形色黑此
彼腎水尅心火白色又被肺家屈肺病秋來面白
宜若行赤色最難除此因心火尅肺金青色反冷
肝作威腎病面黑各天相黃色現時多怏快此乃
脾土尅腎水色赤反致心磨障脾居四季面形黃


如遇青色最難當此爲肝木尅脾土色黑反使腎
家強春赤夏黃秋黑色冬青雖相亦無益從前來
者實形傳實瀉其子平方吉五臟所屬各一宮五
色分來人不全色內能分明與滯據色方能辨吉
凶心赤順時鷄冠色不宜瘀血糊塗赤肝形翠羽
順光多色如嫩草安爲吉脾色貴如蟹腹黃形如
積實必災殃肺形獨貴猪脂狀枯骨定知壽不長
腎色最尚如鳥羽形如炭煤非吉理色色去將兩
色分吉凶灼然不虛語更看入氣清明順神昏氣

餒作凶認瘦而氣壯色必實肥而氣怯色必嫩氣
 壯則實以安祥氣怯則虛壽不長再看得病面如
 何發熱額上紅必多青色現時急驚作若成昏暗
 定知殂額冷足冷夾食驚額熱足熱傷風重顙門
 貴合不宜陷腫起成坑兩無用印堂青色驚之疴
 紅色心驚白主和或見微微青紫色只因客忤驚
 相過山根青兮驚為疾紫色傷於乳和食瀉脫宜
 黃白須戒年壽黃為吐利基若成既白是乎虛兩
 頤赤為啼哭熱左腮紅是痰氣為右腮紅是傷風

熱面青唇赤傷寒至面自皆黃濕熱生面黃弄舌
 五心熱兩眉紅主兒夜啼眉細頭疼痢疾為眼睛
 浮腫主久嗽病之將瘥目皆黃淡紅心熱無多說
 目多直視乃驚風赤脉貫睛肝病凶魚目定睛非
 吉兆瞳人中陷死之宗


三關觀指舉症

虎口三關左手圖應心肝




男兒握拳大姆指於外為驚風

虎口三關右手圖應脾肺




女兒握拳大姆指於內為驚風

魚刺形




青色驚疴赤身熱

懸針形




青黑水驚赤色肺熱慢驚

如環形




主傷食嘔吐

如蟲形




主傷硬米麪物

水字形




主咳嗽積滯驚風

如鈞形



主傷生冷物

曲向外形




主傷風多汗

乙字形



主驚色青黑慢脾風

雙鈞形



主傷寒

曲向裏形




主傷寒無汗

如蛇形



主解經濕熱泄瀉

川字形



主食積五臟有痛

三關通度形



若紋細而紅紅症輕可救青黑不治

三關觀指脈法

陰陽運合男女成形已分九竅四肢乃生五臟六腑部位既別逆順難明若存寸舌之浮沉必乃橫七於孩子須明虎口辨別三關精詳用藥始無差誤寢後方將形脈看要分寅卯辰三關男看左手女看右氣寅風卯命辰安紋青枝紫驚為病紋紫枝

紅傷寒症。紅為米粒肺結熱。黑色透辰傷暑論。青
紋。瀉痢胃家寒。白色微微即是疔。枝赤涎潮。腎痞
膈黃紋隱隱。困脾。端枝形宛為鈎鈎樣。傷風傷寒
分所向。向外傷風有汗形。向內傷寒無汗相。枝青
渾如魚刺形。驚疔虛風三部分。枝直懸針青黑色。
水驚肺熱慢脾。枝如水字。三關有。咳嗽積滯風
疔久。枝如一字。青紅紋。總是驚風慢脾疾。一曲如
環。傷食干。兩曲如鈎。傷冷看三曲長蟲。傷硬物。雙
鈎脈樣。是傷寒。枝形或似如蛇樣。定是脾經濕熱。

多亂紋。食指如川字。食積相兼五臟疔。

臍風撮口

臍風撮口。總為一病。未有臍風而不撮口。未有撮口
而非臍風也。患此病者。九死一生。蓋臍命根也。臍為
風所入。命根絕矣。而可以得生乎。求其所屬之經。乃
心脾之症也。開口屬心。閉口屬脾。風入於臍。先流於
脾。由脾而至。上傳入於心。心為邪所客。故口不能開。
而頻撮也。其發搐者。風使之也。究其病之所由。或有
內外因之異。蓋臍帶繫於胞。必其未生之時。其母先

感風邪遺其邪於小兒謂之胎風其驚搐者謂之胎驚病從內得故曰內因其或斷臍之後包裹於周密被窩風入來及六七日而臍帶已脫必成此症病從外得故曰外因有以受灸其臍徒苦之耳竟何益哉欲求一生於萬死之中惟下之而已矣外此更無他法

立方

復生飲 治一切臍風撮口

牙皂

鹽蠶

穿山甲錢 麻黃分

防風

膽星

半夏錢 甘草三分

大黃

一錢後入
畧煎下滾

先卽以此兒脫下臍帶煎五六沸去帶再入前藥煎臨服加入薑汁竹瀝各二茶匙麝香少許調勻徐徐以匙灌之以通利則有生機

又方 前藥不効再服此劑

牛黃

僵蠶各一錢 膽星八分 麝香一分

右爲末每服五分薑汁調灌下

封臍散 生南星爲末封臍不可再見風

重舌驚口

舌者心之苗也。以為君火。其體本熱。而況小兒。以純陽之軀。先受於胎。復感熱於外。其母愛惜之。至惟恐其寒。而又裹之。以綿衣。覆之以重衾。幾何而不為兒之病哉。重舌驚口之症。未必皆兒之自病。或者其母有以致之也。古人云。若要小兒安。常令飢與寒。飢則不致於傷脾。寒則不致於生熱。此保嬰之道乎。所謂寒者亦非使之凍也。惟令常溫。不至甚暖耳。冷煖得宜。豈復有驚口重舌之患耶。然何以名之。曰重舌。重

舌者。舌下腫突。其狀又若一層。故謂之重。非真有兩舌也。何以名之。曰驚口。驚口者。滿口皆白。有似驚之口中。俗謂之雪口。是也。分而言之。重舌屬心。驚口屬脾。合而言之。總為心熱。何者。心統於脾。故曰治於口也。使不由於心熱。則口雖白。而舌白赤。何為。而舌上皆白。耶。大法內服瀉心清熱之劑。而外敷涼藥。則重者可消。白者可退矣。

立方

清熱飲 治重舌

黃連

生地錢各一

甘草

木通

連翹

石蓮子各五分

淡竹葉七片時時灌入口中。

瀉脾飲

治鷺口。

山梔

石膏

黃連各八分

生地

黃芩

白茯苓各七分

燈心十莖徐徐灌之即愈。

涼心散

重舌鷺口皆可吹入舌上。

青黛

硼砂

黃連入乳

人中白各二錢

煨過

風化硝

黃柏各一錢

冰片二分

右為極細末吹之並治口疳。

丹毒門

丹毒火症也。得於胎熱。其母受胎之後。不忌胡椒薑蒜煎熬炙博酒麪之類。或感風熱。或不節房事。皆能助火。火邪內攻。胎受其毒。而傳氣於兒。故小兒出胎之後。多有是症。近則五六日。或十日。或半月。遠則彌月。之後。或兩三月。其症形不同。或頰下如櫻桃。突出。色赤而光。謂之赤瘤。或遍身紅點。如灑珠。謂之丹疹。

或遍身紅腫熱氣如蒸謂之火丹或小腹踰上陰囊等處忽然紅腫如霞流行不定謂之赤遊丹病各非一總為丹毒丹毒入腹腹脹不飲乳者必於未入腹之時急服退毒涼劑外用小力輕輕刺出惡血猶有可生其入腹者無如一瀉間有瀉而得生者乃千百中之一也諸丹毒惟赤遊丹為至危善保嬰者若見小兒多啼多哭多乳則遍視其身上一有紅色即急治之苟看視不周丹毒在身而母猶未覺及至覺時已入腹矣救之莫及丹毒惟絲癩不治因久服熱

藥遺熱在胎非藥所能解也。

立方

解毒湯 治小兒一切腫硬癩赤諸般丹毒初起即服立愈。

黃芩 黃柏 黃連 甘草 各一錢

連翹 天花粉 皂角刺 各五分

竹葉十片不拘時呷之

化毒飲 治火丹遍身紅腫

赤芍 當歸 甘草 大黃 各八分

水煎不拘時服。

防犀飲 治丹疹遍身如洒珠者。

防已 三錢 朴硝

犀角

黃芩

黃耆

升麻

各八分

澹竹葉十五片煎服。

消毒飲 治五種丹毒。

鬱金

天花粉

乾葛

各一錢二分

甘草

赤芍

各八分

燈心二十莖不拘時服。

搽毒散

多年胞衣化開同金汁塗之神效。

又方

綿羊腦子同朴硝研貼患處并治赤癩神效。

十種丹毒三日不治毒入腸胃則不可救治法

錄後

一從頭項起腫用蔥白研汁塗之。

二從頭上起紅

腫痛用赤小荳末雞子清調搽。

三從面起紅腫用

麤心土雞子清調搽。

四從背起赤點用桑白皮為

末羊脂調搽。

五從兩臂起赤腫黃色用柳葉燒灰

水調塗。

六從兩脇起虛腫用生鉄屑和猪糞調搽。

七從臍上起黃腫用檳榔末米醋調搽 八從兩脚起赤腫用乳香末羊脂調搽 九從兩脚有赤白點用猪槽下土麻油調塗 十從陰上起黃腫用屋漏處土羊脂調搽

中惡門 天吊 客忤 夜啼

中惡天吊者為惡鬼之氣所中兩自上攏吊起而不能勝也此因胎氣不足精神失守虛之所在邪必騰之心虛則神走肺虛則鬼亂肝虛則鬼凶脾虛則意擾腎虛則精乏而鬼得以犯之矣其症面白帶青或

土色目睛上視口吐白沫手足拘攣身冷如冰有似於驚風而實非驚風也又有所謂客忤者非中惡之謂也乃偶見生入異物卒然驚駭啼哭不止心志恍惚聞響即跳常欲躲避之狀者是也如為所忤犯故為客忤豈以客為鬼乎又有所謂夜啼者非客忤之謂乃心經受熱也其症至夜即啼百計安之而不能止蓋心為君火而主於血夜則血歸於肝而心虛火熾故煩燥不寧而多啼也

立方

定神散 治中惡天吊。

扶神

遠志

膽星

麥門冬

各五錢

石菖蒲

二錢 琥珀一錢五分

右為末 每服二錢 滾湯調下。

抱龍丸 治中惡天吊 夜啼客忤等症 每一丸 薑湯

下。方見驚風門。

安寃湯

治客忤立効。

棗仁

扶神

遠志

各一錢 當歸

膽星

各七分

燈心二十莖煎服。

保安丸

治夜啼。

人參

麥門冬

黃連

扶神

龍齒

遠志

各五錢

硃砂

五分

金箔

二十片

右為末 蜜三錢 朱砂三錢 金箔二十片 為衣 每服一丸 滾湯化下。

吐瀉門

附食積傷食

小兒吐瀉交作 人皆以為脾胃受寒 不能容飲食 故上則為吐 下則為瀉 此據其病形而言耳 而不知脾胃受寒者 止於腹中 假假作痛 或微洩 或吐痰涎 而

已其勢殊無可畏至於大吐大瀉一時發越津液頓
亾面自乍瘦豈受寒之為病哉必是平素先傷飲食
鬱蒸作熱蓄之既久將發未發一感外之風勢勢不
可遏故攻擊臟腑一齊而至遂令小兒困憊當此之
時若以為吐瀉空虛即投補劑盡溫熱之藥立見危
亾慎之慎之如有吐而無瀉或有瀉而無吐者乃有
寒熱之分吐酸臭而苦者熱也清痰則非熱矣瀉臭
穢而不可近者熱也

立方

藿半散 治小兒吐酸苦者

黃連薑汁炒 半夏薑製 藿香各五錢 白茯苓

砂仁各三錢

右為末每服一錢不拘時薑湯調下

安然湯 治吐清痰者

白豆蔻 蘇子 藿香各一錢 膽星

陳皮各八分

生薑五片不拘時煎服

霞齡散 治小兒吐瀉交作

木瓜

厚朴

砂仁

藿香

各五錢

木通

白扁豆

黃連

薑汁

白芍

廣木香

各三錢五分

右為末每服二錢。白滾湯調下。

和脾溫胃散 治小兒瀉利清水不止。

陳皮

蒼朮

白朮

白茯苓

甘草

防風

各五錢

肉桂

二錢

右為末薑湯調下一錢。

消滯調脾飲 治小兒泄出臭穢之極。

陳皮

滑石

黃連

各八分

神麩

麥芽

白芍

車前子

澤瀉

各六分

生薑二片不拘時煎服。

香橘丸 治吐瀉或食積所傷肚腹作痛脾胃不和。

蛔蟲上行並皆治之。

橘紅

扶神

青皮

麥芽

厚朴

山查

各二兩

砂仁

三稜

神麩

人參

澤瀉

各一兩

甘草

五錢

右為末蜜丸如龍眼每服一九薑湯化下。

附食積傷食。

消瘦散 治小兒諸食所傷以致肚腹膨脹面色黃瘦。

蓬朮

三稜

陳皮

山查

草菓

去殼各一兩

右為末每服二錢薑湯調下。

針砂丸

治小兒腹中食積成塊堅硬如石作疼痞塊身面俱黃肚腹脹大。

針砂

四兩根紅醋淬七次

使君子

肉三稜各二兩

草烏

一兩去皮醋煮

南木香

皂礬

煨紅

雞胞皮

各二兩炒

蝦蟇蛆

蘆薈

各二兩五錢

右為末以練樹皮煎湯為丸如菜菔大量兒大小或三四五六分臨睡苦茶下。

運脾飲

治小兒飲食所傷腹中作痛脾氣不調。

香附

蘿蔔子

陳皮

山查

各六分

廣木香

白朮

青皮

丁香

各四分

生薑二片不拘時溫服。

驚風門

夫風一也。在大人則為中風。在小兒則為驚風。大人無驚。故名之曰中。小兒易驚。且易惹風。故以驚名。而兼乎風也。驚之有慢。有急。猶風之中腑。中臟。急驚與中腑同。謂之陽症。而症俱在表。慢驚與中臟同。謂之陰症。而症俱在裏。治者能辨其陰陽表裏。而治之。斯可以無誤矣。蓋急驚之症。其身常熱。其眼常開。手足直跳。頭項強直。痰涎壅盛。啼時哭泣。煩燥不寧。者是也。慢驚之症。身常不熱。眼常半開。手足微掣。精神倦怠。形體若呆。大便或洩。者是也。又有慢脾風者。虎口

紋青紫色。或黑色。隱隱相雜。似出而不出。手足不動。遍身皆冷。兩眼常冷。不能啼哭。症若至此。無復救矣。慢驚病根。固有淺深。而亦可以施治於萬一之中。若因急驚而變慢驚。或因吐瀉而生慢驚。則難治矣。因慢而成慢脾。或因吐瀉而致慢脾。則不治矣。大抵驚屬於心。風屬於肝。心火動則振跳。而不可遏。肝氣發故搖擻。而不自持。二經相助。其勢必盛。心火有餘。則火熾而風益猛。是風從火出也。肝有餘。則風狂而火益旺。是火從風熾也。風火齊發。故可畏。此特以急驚

言之耳。而慢驚慢脾。又兼脾虛與寒。勢若稍緩。而及深焉。然以其病之可生。可死。而細分之。則各有所屬。非謂止於心肝。一經而不入於他經也。是故不時吊眼者。驚入於肝。夢中咬牙者。驚入於腎。夜啼至晚者。驚入於小腸。喉中如鋸者。驚入於大腸。面青下白。驚入於膽。氣喘吸水者。驚入於脾。不時乾嘔者。驚入於胃。睡中驚哭者。患在三焦。此皆可生之症也。至若爪黑者。為肝絕。瀉黑血者。為心絕。日多盜汗者。為胃絕。忽作啞聲。為肺絕。咬人者。為骨絕。眼半開半合者。為

腎絕。日鼻乾黑者。為脾絕。驚風患此七絕。其兒何能得生耶。

立方

秘寶萬靈丹 治急慢驚風。慢脾風。垂危者。一丸立愈。

- 牛黃 硃砂 礞石 硝礮 蛇含石 各五錢
- 礮蠶 全蝎 膽星 半夏 薑製
- 扶神 各一兩 麝香 三錢 金箔 銀箔 各八片
- 皂角 麥門冬 各一兩五錢 煎膏

右為末以皂角麥冬膏為丸如櫻桃大金銀箔為衣每服一丸薑湯化下

鎮驚丹 治急慢驚風發喘痰盛或咳嗽并痰迷心竅不能言語

南星 薑汁炒 防風 枳實 麥麩炒 天麻 甘草水浸煨

半夏 薑製 桔梗 各二兩 四錢 熟大黃 九蒸 九曬

生大黃 礞石 用生各一兩 巴豆霜 去油淨 二錢

辰砂 雄黃 各四錢

右為末蜜丸如粟米大量小兒大小或三四分薑

湯下有風寒蔥湯下

抱龍丸 治驚風發搐或風痰身熱

膽星 琥珀 雄黃 硃砂 各五錢

天竺黃 全蝎 各六錢 麝香 一錢 甘草 二兩 煎膏

右為末甘草膏為丸如芡實大每服一丸薑湯化下

保嬰秘効散 治急慢驚風或胎驚臍風撮口天吊

夜啼奇怪異症

牛黃 一錢 膽星 琥珀 珍珠 各一錢 五分

滑石

茯神

遠志 各二錢

麝香

硃砂

各六分

大黃

九蒸九曬五錢

右為末量兒大小四五分燈心湯調下。

聚寶丹 治慢脾風神效。

人參

五錢

白茯苓

琥珀

天麻

膽星

防風 各八錢

全蝎 三錢

殭蠶

白附子

烏梢蛇

硃砂 各二錢

麝香 一錢

右為末蜜丸如芡實大每服一丸薑湯化下。

至寶湯 治一切驚風等症。

天麻

膽星

白附子

陳皮 各五分

殭蠶

鈎藤

白朮

白茯苓 各三錢

甘草 一分

生薑二片不拘時煎服。

疳積門

小兒疳症太抵多是過食甘甜膠膩之物停積於脾不能消化則變而為疳疳者甘也脾喜甘而凡屬於甘者其味皆屬於脾從病從甘故名曰疳其症身體常熱形容黃瘦小便如泔肚腹膨脹毛髮黃腫臃多

百印。惡心欲吐。飲食不為肌膚。或頭面頭上多生瘡。養而疔之大槩有如此者。此脾之症也。脾先受病。傳於他臟。故有五疔之名焉。在心則為驚疔。在肝則為風疔。在脾則為滾疔。在肺則為氣疔。在腎則為急疔。五疔分屬五臟。而其為病亦未盡同。悉而言之則渾身壯熱。四肢無力。面黃臉赤。怕寒愛暖。口鼻乾燥者。因驚撲而成。所謂驚疔是也。搖頭揉鼻。白膜縵眼。指磨多淚。面有青色。體渾瘡癩。毛髮焦豎者。因感風而成。所謂風疔是也。食物難消。愛食泥土。腹大有筋。頭

髮稀疎。喘息呵欠。無歡欲啼。痢多酸臭者。因傷食而成。所謂滾疔是也。多啼嗽逆。鼻頭生瘡。昏昏愛睡。體瘦腸滑。四肢軟弱。面色帶白。瀉膿吐血者。因傷氣而成。所謂氣疔是也。瀉痢兼作。吐逆脫肛。身體壯熱。手足偏冷。飲食不進者。病勢已急。所謂急疔是也。五疔之症。惟急疔為難療。以其腎氣不足。土來尅水故也。要而言之。總歸於脾。脾土一虛。則不能攝五臟之氣。故其傳變至於如此耳。

立方

保命丹 治諸般疔積神効

大蟬 二隻剖開。砂仁。胡黃連。各五錢。裝入。縫好。外以泥裹。煨紅。取出。

皂角 二枚煨。灰存性。 蛤粉 三錢 麝香 三分

使君子肉 一兩

右為末。以神麩打糊為丸。如粟米大。每服一錢。薑湯下。

肥兒丸 治疳積。肌肉消瘦。肚大筋青。飲食不思。或

泄瀉口渴。

黑蟬 以大者不拘幾隻。放深缸中。取糞坑內蛆。淘淨。倒其缸內。任從自食。待五日。瀉出糞。

水取起。倒掛陰乾。炙脆為末。三兩。

人參 一兩 白朮 砂仁 使君子肉

山查肉 各一兩 宜黃連 胡黃連

白茯苓 蘆薈 蓮子 各八錢

右為末。陳米糊為丸。每服一錢。米飲化下。

鷄肉丸 治疳癆壯熱。形體羸瘦。眼閉不開。四肢漸

小肚腹漸大。

黃連 薑炒 柴胡 鶴虱 秦朮

知母 酒炒 黃芩 酒炒 使君子 炒 蘆薈 各一兩

燕蕒 五錢

共為末。用黃雌鷄一隻。以大麻子飼之。七日。繼以
去毛淨。尾上開一孔。取腸洗淨。拭乾。入前藥末於
內。縫密。以小甌。先用黑荳舖底。安鷄上。又以黑荳
蓋之。厚三寸。蚤晨蒸。至晚。俟冷。去骨。搗爛。為丸。如
乾。加酒少許。丸如麻子。大每服十九。五歲二十九。
量兒大小加之。白滾湯下。

鷄肝散 治疳積眼自不明翳膜朦朧

雄鷄肝 具一 威靈仙

白土

各二錢為末。即打米光粉。

右鷄肝同一末。煮熟。只食肝。每日一箇。七箇全愈。

瘧疾門

小兒瘧疾。不外乎風痰與食。無食不發熱。無風不作
寒。而痰食風之所成也。外感風寒。則手太陰肺經先
病。肺主皮毛。故風易入。內傷飲食。則足太陰脾經先
病。脾受有形。故食多則傷脾也。肺氣不清。則生痰。脾
土受傷。則畏痰。故痰者風食之所成也。無痰則不成
瘧。故寒熱作焉。要而言之。風雖屬肺。食雖屬脾。而風
食之所藏。又近於膽經。故作寒熱。蓋膽經為足之少

陽其位在半表半裏是以寒熱往來也。大率寒多則為風熱多則為食寒熱相半則風食俱多。治此病者惟消食疎風化痰而已。然消食必兼疎風疎風必兼消食而消食疎風必兼化痰蓋三者不全則不能成。瘧故宜兼用但量其所屬輕重可也。

立方

疏脾飲 治小兒因風成瘧

紫蘇 柴胡 半夏 各一錢 防風

青皮 厚朴 川芎 各五分

生薑三片不拘時熱服

攢陳飲 治小兒因食成瘧

山查 青皮 草菓 各八分 檳榔

枳實 半夏 柴胡 麥芽 各六分

生薑三片空心煎服

平妥飲 治小兒痰瘧來時作嘔

半夏 貝母 橘紅 柴胡 各七分

黃芩 草菓 白朮 枳殼 各五分

生薑三片不拘時熱服

驚甲飲 治小兒久瘧不往。

何首烏 驚甲 酒炙 當歸 白朮

人參 黃芩 各八分

黑棗三枚 空心煎服

痢疾門

凡瀉在脾而痢在腎故先瀉而後痢者則曰脾傳腎。為賊邪其病難愈先痢而後瀉者則曰腎傳脾為微邪其病易愈此前人之說也以愚論之瀉為在脾不暇言矣而謂痢為在腎不能無議焉瀉固多由於飲

食而痢獨非飲食之所傷乎飲食停積因濕熱而化遂為稠濁膠固於腸胃之中欲下不下是以有裏急後重之苦明是脾經之病矣而顧以痢屬於腎者何所謂歟吾未聞飲食之入不由於脾而反由於腎也。大槩謂之腎病矣然治痢之藥悉用蒼朮厚朴黃連木香白朮陳皮之類並未有用杜仲黃柏牛膝地黃補腎等藥治腎之疾而乃用脾家之劑必其非腎病故也要之先痢後瀉而易愈者以其積滯已盡而脾尚虛也豈腎傳脾之謂耶先瀉後痢而難愈者以脾

土已壞而積滯方壅也。豈脾傳腎之謂耶。腎能藏精不能藏飲食。若以痢屬於腎。則飲食皆藏於腎矣。豈理也哉。大約治痢之法。與大人無異。但下痢純血者。在大人則為難治。在小兒則為食積。而無所妨。而治小兒之痢。又宜多以消積為主。其詳具大人痢疾門。不復細贅耳。

立方

通快飲 治小兒痢疾始發

- 山查 一錢 麥芽 蒼朮 萊菔子

- 枳實 木通 各七分 大黃 檳榔 各一錢 生薑 二片 不拘時熱服

金寶散 治小兒赤白痢疾。肚腹作痛。裏急後重。

- 廣木香 黃連 酒炒 陳皮 各三錢 肉豆蔻 麩包 厚朴 炒 車前子 各二錢 白朮 山查 蒼朮 各一錢

右為末。每服一錢。至分。空心。燈心湯調下。歸芍飲 治小兒痢疾久不肯住。

- 人參 白朮 白芍 白茯苓

丹臺子... 柯子肉各五分 烏梅半箇 黃連

厚朴 肉荳蔻 柴胡各六分 黑棗二枚空心煎服

傷風門

傷風之症頭疼身熱鼻塞氣喘噴涕呵欠呻吟不絕。見風便怕灑淅微寒與大人傷風無異若挾食即吐食挾痰即吐痰藥劑比大人所服者宜減一半不論有痰有食否常須兼用清痰消食之藥蓋小兒易傷食而熱則生痰故劑中宜畧用輕輕疎解令汗微出

不宜過多過多則真元亦傷是伐無過之地也。

立方

柴葛飲 治小兒傷風頭疼發熱鼻流清涕

紫蘇 乾葛 前胡 柴胡各七分

防風 半夏 陳皮 甘草各五分

蔥白三莖生薑二片煎服

保幼湯 治小兒冒風嘔吐頭疼身熱

羌活 山查 紫蘇各一錢二分

藿香 柴胡 桔梗各八分

丹臺玉露
生薑五片煎服

咳嗽門

小兒咳嗽風熱居多而寒者間或有之以其為純陽之體其氣常熱而不甚寒也凡肌肉肥白者易於惹風赤而堅實者易於感熱惟虛弱瘦損面青不澤乃易感寒焉感風而嗽者必鼻塞氣喘多涕多淚或發熱多痰是也感熱而嗽者無鼻塞氣喘之症惟口中覺熱舌燥煩渴面赤頓嗽嗽而有濃痰是也感寒而嗽者灑淅惡寒哮喘不寧至冬月即發是也凡此症

與大人無異而所感畧有不同大人兼七情所傷或任勞嗜酒而小兒無是是以不能無少異耳藥劑以輕清為佳而服藥亦不宜太驟當逐時進之不必盡劑

立方


平肺飲 治感風邪咳嗽痰多灑淅惡寒

陳皮 前胡 桑皮 薄荷

防風 各五分 瓜蒌仁 蘇子 桔梗 各四分

生薑三片煎服

八卦部位舉症圖



中央戊巳
土疎黃無
辛苦若見
紫黑色便
是木來尅

涼肺湯 治肺熱咳嗽痰盛音啞

黃芩 貝母 天花粉 枳殼 各七

橘紅 山梔 桔梗 麥門冬

甘草 各五

燈心三十莖 食遠服

定嗽湯 治小兒肺有寒痰咳嗽并作氣喘

欵冬花 杏仁 橘紅 各八 桑白皮

桔梗 枳實 各六 瓜蒌仁 膽星 各五


生薑三片 不拘時煎服

八卦舉症歌

乾宮屬大腸稠密背受殃。葉門多瘡塌宜服保元湯。
坎宮屬腎水稠密陰疔起。腎膈似火燒七日歸泉裏。
艮宮屬腎經梅花甚不仁。若加紫黑色八日落牙根。
震宮乃肝木宜天不宜三。如品如串樣十四日歸山。
巽宮屬小腸稀疎宜帶黃。若還梅品赤淋閉還不妨。
離宮屬心火蟻形甚不可。四肢不容針遍身無你我。
坤宮屬命門生灰在其中。稠密終不好疎朗亦無凶。
兌宮屬肺金更多我不驚。若還無空地曾肯反相因。

耳紋看法一見吉凶皆知

耳紋圖



歌曰

耳後筋紋淡淡紅疎疎磊磊決無凶。若然紫黑青白
色任是軒岐枉費功。
耳後紅筋赤一條又無枝葉上面高。將來必主心經
痘頭面若稀不必憂。
耳邊紫黑魚刺形紛紛却向裏邊行。將來必主肝經

痘滿身班黑六朝其

耳後蒼筋痘主稀頭火尾尖人不知將來必主脾經

痘向外排行疎更奇

耳後淡白亂如麻紛紛俱往外頭肥將來必主脾經

痘形如蠶種七朝嗟

痘疹忌觸十四款

腋下狐臭氣溝渠濁惡氣房中淫液氣婦人經候氣

諸般白腥氣酒醉暈腥氣硫黃毒藥氣麝香臊穢氣

痰汗蒸濕氣快燒頭髮氣魚骨腥臭氣蔥蒜菲薤氣

享煎油膩氣坑廁尿糞氣

治痘總論秘訣

痘之發與雜症不同雜症只在二經痘則五臟之症

俱見古云似傷寒者亦大槩言也寒由外入痘自裏

出故惡寒無汗頭痛脊強左額青紋面色慘而不舒

此傷寒之所有而痘症之所無也兩眼含淚臭氣出

處睡中微驚耳紋現惡熱不惡寒此痘症之所有而

傷寒之所無也五臟症已詳

凡初熱時睡中微悸臭氣出處斯二者皆可作痘症

驗有云中指獨於耳尻等說不必信。痘者豈也。肖其形則生，不肖其形則死。形之不肖，元神竭矣。尖圓而凸，周淨而聳，形之有神者也。如蕤如沸，如疹如疥，如蠶種如蛇皮，如蚊跡如蚕斑，如湯泡如火刺，形之無神者也。形而無神，可冀生乎。至如色也，欲如春花之在露，不欲如秋草之經霜。紅白兩分明潤光活，色之有彩者也。如膩粉如枯骨，如紅米飯如猪肝色，色之無彩者也。形不有神，色不現彩，生意可知矣。嗚呼神彩其生死之門戶也。

凡看痘先看元氣。痘見元氣，非有非無，唯心領意會耳。已如形色初善而終變惡者，元氣內竭也。形色初惡而終歸善者，元氣內強也。元氣本也，形色末也。故善者必求本。

人知痘藉氣血，不知痘之所藉，尤有超於氣血者。元氣是也。蓋元氣盛則氣血流通，而領遂有負戴並行。祛毒痘必應期而開落，元氣一虧則在外者內不續，在內者外不固。毒肆妄行，或出或入，而為外剝內攻矣。調養真元，補益氣血，誠治痘完策不得已而欲攻。

他症中病即已。經日常毒治病。十去其八無毒治病。

十去其九。

夫包血成圓者氣也。氣能拘血制毒則痘窠必圓。尖而周淨附氣成暈者血也。血能附氣制毒則痘暈必光明。而紅活頂陷者氣之虛塌陷者氣之離。暈枯者血之虛根散者血之離。圓也暈也氣血之所為也。而所以成圓成暈者氣血不得專生也。

根窠者血之暈。膿者血之腐。故六日之前專看根窠。無根窠必不貫膿。六日以後專看膿色。無膿色必難。

收靨此理也勢也。

無形者依有形。有形者附無形。互相依附固天地之道。亦氣血之道也。氣之離不由血之散乎。故自氣血交後常觀根窠為憑準。倉緊紅活生意沛然若微細而不現不斂且黯淡則氣將飛去而必不克制毒矣。是故內攻根散者死。內攻而根血猶附非毒作楚必三因致之。頂白根紅氣血分也在四五日間不分則後必作癢。頂冲根附氣血交也在六七日不交則後必有變。至是而根白地清起勢勃勃可不藥而愈。若

深紅壯熱疔將作也。四日用清。六日用補。乃治常痘繩裹。

氣血有常而不能盈於常。而能自屬於常。然亦有盈者。何也。毒壅於氣。火搏於血耳。班者血有餘也。泡者氣多甚也。經曰。邪氣甚則實。精真氣奪則虛。凡形色大惡。氣血不交。漿不成。似為死症。若精神爽朗。便食如故。而天庭上有二一。顆悅目者。猶可發毒。作臭爛而愈。何者。毒在外不在內故也。毒停肌肉。則發腫毒。滿皮膚。則作臭。肌肉陽明主之。

屬土皮膚。太陰主之。屬金癩腫。土象腥臭。象金亦各從其類也。

書謂紅班生紫班者死。黑班藍班。日不救。一亦有紅死而紫班藍班得生者。班血熱也。失於解利。則發班惡痘。班出勢所必然。無論顏色。

但天庭疎朗。形色善。而班出。又當別論。昔一班症。諸醫莫治。召予視之。已七日矣。班分上中下。上紅班中紫班。下青班。視其痘。則縱凸疎朗。內含清水。色雖黑黯。而精神爽健。視唇舌。則多苔。燥予日失解。故也。進

以清涼自愈。後果然由是書不可拘也。察形色驗唇舌是準。疔之結也。亦熱毒壅甚。失於解利。內不能入。而結隨道空隙之所。惡疔結逆轉為順矣。但結前。後心者死。結耳門喉下者死。辨疔有法。慎無以黑毒作疔。黑痘猶痘也。疔則陷入肉中。形如螺蓋。捏之有核。割不知痛。其白根或長寸許。醫多誤認。壓後疔爛。生肌散治之。

痘之所恃者血為養。而氣為充也。故眼鼻必欲封合。眼合則神不馳。鼻封則氣不逐。神氣內榮而毒不為。

制伏者鮮矣。抑又有微甚。塞而有涕。美之徵也。鼻塞而竅外乾黑者死。封而有淚生之兆也。眼封而沿眶塗煤者。灰眼封當在五六日間。若未腫過而封後必有眼疾。痘少者不封。或封而繞壓即退。氣血之分猶清濁之本。乎上下也。氣血之交猶陰陽之互為依附也。當分不分。毒結之當交不交。毒隔之知升陽散鬱。何不分之患。知清熱解毒。何不交之患。痘之形症有四。曰毒壅。曰血熱。曰氣虛。曰血虛。又虛實有四。表裏虛實是也。見點稠密。形不尖聳。色慘黯。

而皮間欲出不出此毒壅也。見點深紅而漸變紫黑。夾疹夾斑血熱也。頂陷皮薄平塌不振者氣虛也。色淡根散或痘色與肉色無異血虛也。身微熱而有汗曰表虛壯熱無汗喘促面浮皮毛焦肌膚痛表實也。精神困倦唇舌淡白曰裏虛。狂亂氣甚渴飲善食唇燥而舌見黃白苔者裏實也。毒壅也。血熱也。同為表裏之實。血虛也。氣虛也。同為表裏之虛。此又一而二。二而一者也。壅者疎之。熱者涼之。虛者補之。實者瀉之。不實不虛以平調之。明此八者思過半矣。雖然辨

寒熱虛實尤當用舌作綱領。

大都症候相似氣運使然也。彼與此一般症狀無殊。非氣運而何。故乾涸者火鬱勝。吐瀉而肉腫者土鬱勝。枯燥喘促金鬱勝。彼此疑伏水鬱勝。鬱而不出木鬱勝。火則清之。土則平之。金則潤之。水則溫之。木則發之。書云貴之於症求之於經。其此之謂乎。

諒形體用藥上土也。小兒臟腑易虛易實。體實劑過猶為之損。況弱乎。凡痘極光澤極榮灌至回謝日而忽變逆誰之咎。歟。形體素虛理宜補益。不察而愛行

攻劫使入元氣一驅而出外雖榮灌內實耗靈欲不
死者得乎。諫形體者非泥於形而審形形之神也。痘
陷有五有白陷有紅陷有灰陷有紫陷有黑陷皆責
氣虛而後人責以用補誤矣。彼之論陷有深究其源
脣舌滋潤身不壯熱唯痘色遷變而陷故責以氣虛
若唇燥舌苔壯熱燎人焦紫其色而凹陷不起果虛
乎抑毒耶。妄執補益猶按圖索驥耳。予治陷不然有
外實則解之有內實則清之。下之內外無症則平劑
以調之。不惟治陷即始終亦然。藥隨舌轉症由舌痊。

嗚呼。舌之功大矣哉。

舌通五內。人知之而莫之用。不由指示。臨局必迷。孰
知此乃用藥樞紐也。藥有寒者涼者溫者熱者。令之
樞紐在手。則縱橫顛倒。一自我出。而是非而利害皆
置勿論。且易虛易實。小兒也。使無定見。而謂不狂不
命。吾未知前信。

治痘有四節。次務要不紊。紊則氣血顛倒。火毒肆虐。
而諸症蜂作矣。故驚者狂者吐者瀉者斑者疹者腰
疼腹痛者肉腫痘不腫者水陰錯喉者。皆當發不發。

毒鬱二焦停滯氣道也。焦紫者枯黑者渴者燥者發
疔毒者胃爛口臭者皆當清。不清陽明內熱所致。當
補不補則為白陷。為泄瀉為瘡。場為剝。屬外刺內攻
中氣虛也。

當滲泄不滲泄則反壯熱或少食或瀉不止或肌肉
作瘰癧而疔爛何者脾濕內淫也。

標離而異本合而同藥當其節變症息矣。不應四法
必三因乘之。六氣外襲為外因驚恐內動為內因調
攝失宜為不內外因。四法正也。三因奇也。奇正互用。

兩得之矣。

治痘症不洽雜症萬古秘論也。雜症有日痘症止兩
七耳。且痘中之症緣失治而作。今猶治症不洽痘將
症愈甚而痘愈憊矣。

發熱三日訣

夫痘不熱不發猶立穀之不熟不結身有熱也。乃毒
與時氣相觸而動內傳百脉外注皮膚痘未見而先
兆此乃必至者。但熱有輕重毒輕則熱輕毒重則熱
重。又有熱五六日出者有熱一日即出者太過則正

不勝邪。愈期則氣血凝滯。唯三內日身涼。痘出為正。凡發熱肌膚溫平潮潤。唇舌滋潔。無苦聲。音清亮。睡中微驚。便食如故。或少食。貪睡皆吉兆也。重則反是。一發熱即唇裂舌坑。煩躁狂亂。口渴惡寒。兩耳灼熱。兩睛紅。二便結。方內加玄明粉。或千里馬。下之惡熱者。單下以苦為增減。不可拘在初熱。當發之說。此亦百中。一上。一又。毋執以為常。如唇舌滋潤。雖見惡症。切不可妄下。損人。

吉痛加甚者凶。

發熱吐瀉。切不可行止法。惟吐瀉酸臭。可加消導藥。佐之。是傷食也。驚發痘前者。吉何也。由驚陽症。痘屬陰陽。被陰冲。則壅遏之患。息故吉。照前加減治之。毋服驚藥。誤服而冰其毒。釀害匪淺。亦有一驚即死。此必中惡。

發熱時。譫語顛狂。見神見鬼。躁亂不寧。是熱甚。失表外邪。內毒兩相搏激也。重發之。則愈。舌見黃苔。非下不可。

凡臟腑鬱毒非微汗則不解故一發熱必用汗藥也
身熱四五日不退者知毒猶在內務要熱退為佳
身熱四五日不退痘影焦紫鬱鬱不出此必寒氣外
鬱閉塞鬼門也今服驚蟄丸發出臭汗則熱自退痘
自出也

一發熱頭面中有大痘數點餘不出復不除熱此名
曰報痘急用銀針剔破不去則領敗正氣為留連之
禍
初發熱即頭溫足冷不渴大便澁面皸白或瀉痢清

穀嘔食不化虛症也

凡熱時燈照肉內有隱隱紫紅塊者重面紅唇白亦
重再加形色不善死必矣九竅流血者死目閉無氣
舌黑聲啞胃高而凸掌文出血皆死症不治

見點三日訣

見點三日。必生判矣。斷於此時。方稱高列。關竅唯面
部為喫緊。面者諸會之首。天庭印堂尤面部最緊要
者。天庭為看痘把柄。何者元神所歸也。元神者元氣
也。小兒出痘不過氣血毒二字。氣血又元氣所統也。

元氣勝毒開落應期毒勝元氣內攻外剝毒既勝矣
又安望元氣之復勝哉故此處先見先起先貫先屬
密而養慘而黯皆死症也毒從虛發信矣哉
凡見點磊落摸得礙手色潤澤眼部以下先見身熱
漸退吉症也磊落礙手稀而有神者也色潤澤謂有
彩也天庭後見元氣固也反是者逆
痘初出時三五相連者後必密單見者稀毒之淺深
於此預見矣
形屬氣色屬血兩者均可驗吉凶決生死入何專言

血而不及氣氣無形難知血有色易見故見點三日
色如猪肝者死如紅米飯者死如洗過舊紅袖者太
重雖然面部上有數十顆有神彩者亦可救活不慮
形惡慮無神不慮色惡慮無彩神綻而凸彩潤而明
惡痘中見有一一紅活可愛雖凶亦吉何者元氣猶
存也大都自眉以上幾點悅自可愛又不瑣屑又不
歪斜雖遍體稠密雜症百出終不至於死悅自一字
即予筆舌難盡罄在學者意會
見點頭焦面色或紫者血分毒熾也滿夫秋治之

燥舌口熱見愁黃苔起者于里馬蓋焦紫雖血熱而未
未必不由內熱也審之以舌藥斯當矣
見點白如水珠者重若稀疏不密其人平素色黃而
兼痘起發氣至而血不至也皆與散火倘神不內寧
痘日增多頭尖作痞子形毒太甚也恐非藥可愈矣
若見點色白不紅不可便作虛治白而無神唇舌淡
白或吐或瀉虛症也若白而起銜色唇舌赤紅非虛
也是伏火痘也三日後必漸變紅紫倘作虛治其誤
入不淺見點脚米冷者不必慮氣味下行也

見點兩日而大便尚秘舌上無苔知是血燥非毒癰
也急行清解枳殼玄明粉治之恐貫時咽痛作瀉而
不起方內歸芎宜倍用
初見時大小不一有色點如癩者日來疹救苦丹治
之又一等瑣屑紅點隱隱肉間日來痧治亦同前丹
症亦然但有此症必正痘悅目可愛方為痧疹之夾
不然皆痘也識者詳辨之
又有痘出數顆而來疹遍身圓淨疎朗顏色紅活現
兩日而盡沒衆醫莫不驚愕予曰疹也非痘也痘沒

必悶亂煩燥。此則寧靜且正痘依然。予故知其為疹也。治以平劑。後漸愈。未沒特亦難辨焉。點見身熱毒未盡也。但所感不同。有寒氣外鬱者。有熱毒內鬱者。兩者均且散之。救苦丹是其治也。內鬱黃苔。加干卑馬。其色漸焦紫。隱隱不出。而身熱壯盛。或肌膚腫亮。再加賽春雷。發之。見點自汗。有生者。有死者。丹溪謂自汗無妨。指形色善者言也。若汗出而形色日變。必死。不可不辨。但治症不須以此慮虛症也。又須看舌用藥。

凡痘出不快。須審時令。藥之冬則寒鬱。主賽春雷。夏則熱鬱。主滿夫秋。然亦有虛實之別。唇舌滋潤。無苦當從虛治。

一見點色白。不甚起發。唇舌淡白。或吐或瀉。或腹膨。或自汗。肢冷。神氣怯弱。表裏虛也。治從虛例。
 一見點在臍。在肛門。四圍成堆者。皆重症。
 一出數點。即發數粒。山根上者。重。纔出而聲遂變。或焦或啞者。尤重。
 痘出數點。而面自即光亮如瓜。口中氣臭勃勃。衝入。

其灰甚速後必發斑吐血而灰

一見點先於眉上或兩太陽出數粒突起光亮少頃即沒此賦痘也必灰

又有初出愛入皮薄光亮一兩日即大長是未至而至癘氣使然也後必變癢塌而灰認爲順症則醫殺之謂斷乎難免

凡患諸瘡毒未愈或瘡毒新愈而見點於此者重此陽毒也但瘡不乾紅雖重決不灰

謂爲於可爲之時則從爲於不可爲之時則凶指險

症也至見點如蛇皮如蠶種蚊跡蚤斑湯泡火刺青黑藍斑身如被杖發斑而脣腫口臭頰頰蒙頭斷腰無根色粉白如枯骨胃高氣喘七孔流血面斜視如橘皮形色不正而驚狂併腰疼腹痛不止可爲乎不可爲乎

凡謂斷腰無根必諸痘形色不善如形色圓澤即腰脚無痘何妨

起脹三日訣

日起脹是點已定毒氣盡出時也本乎上者上之本

乎下者下之氣血定位毒被制伏成膿矣若白不泛
頂紅不斂窠氣血毒混而爲一元氣弱也苟能察形
色驗唇舌如轉舵迴流一持而正後段如破竹矣
凡痘三日先見者先起脹後見者後起脹根紅頂白
面與自漸浮腫鼻塞流涕口角涎出而眼蒙不欲開
順候也卽不然而兩腮間有二三起脹悅自頂白根
紅亦順候也

凡起脹時色焦紫者毒甚也形大皮薄而起縐紋者
毒甚氣虛也滿頂紅者血滯也滯者活之焦者清之

氣虛毒甚補而兼解散之但面部有二三悅自可愛
用藥當節則枯者潤薄者厚而生意自勃勃矣

起脹時諸痘未起而其中先有起虛大色如黃金者
名曰賊脹痘至五日而內外症平宜諒起發退紅
若不起發不退紅正氣虛也方內倍人參加黃芪古
人以此爲喚漿法

當起脹時有一等光活可愛嬌嫩艷觀手捺之則破
燈照如琉璃此假脹又名空歡喜急救表或可幸治
遲則必癢塌而歿

又四日起大駭亦非吉兆。何者表虛毒甚也。七日後腫退。創腐皆此之變。遇此須分虛實預防之。又有一等至五日而即帶黃色。假漿也不信。請以神彩辨之。有神有彩者為真漿。此則無也。或補或瀉。唯舌是準。起脹時。痘上有小孔。不黑不白。曰蛙痘。用保元湯加丁桂服之。其孔一密。其痘自起。痘出五六日。眼不封。鼻不塞。而大孔時。下氣者逆也。輕痘無妨。

大都痘出五六日。氣血不分。顏色焦紫。面紅腫如瓜。而痘伏。或猶烟雲罩定。或舌白。至唇濕處者。曰內潰。或遍身發紫泡。或悶亂不寧。叫喚不已。腰腹猶痛。皆死症也。雖然亦有形色本善。調理失宜而然者。又有誤餌湯藥而致者。

貫膿三日訣

痘出七日。陰中之陽盡付於外。內則空虛如釜中甑。內之氣妙不可言。陽起一分。陰亦長一分。故其漿也。則宜漸而黃。根亦血暈。亦宜漸而緊。如線圍定。不鋪

散不灰黯晝夜痛楚飲食倍常大便少身微熱吉症也。反是者逆至是欲決生灰唯視血暈聚散膿色真偽耳。真者寶色燁燁手捏粘絲偽則土黃也。聚者氣拘血而化毒也。散則氣虛散而真氣將竭血暈全無者灰膿者毒所化也。訣曰六日以後專看膿色。故膿有者生無膿者死。使或有或無而脚根不紅或連肉灰紅作癢煩燥目閉復開作瀉乾嘔不食少睡氣虛不能拘血化毒也。急峻補之。倘此時尚見黑苔有刺生意絕矣。不唯不容補卽補之何益。

漿行七日腫要過頸漿要過胃腫者毒外出也。言過胃者從上下也。至陽物亦要貫乃宗筋之會也。兩脚不貫不妨。又兩臂亦宜滿不然臨收時必不食而生他變。手臂脾所主也。痘出七日或大瀉者氣陷也。急補澀之。若漿色正而根血一線緊緊繞定雖瀉無妨。漿色不正血散不斂毒在內也。七日毒尚在如命何。若正痘依然根暈紅活精神飲食清健而瀉此陽症也。不妨。但看舌用兼止之藥而愈。

丹臺五藥
至八九日漿行似足忽眼開而陷毒內攻也內攻者必悶亂煩燥根暈飛散若無是而唇舌潔淨方內加桂附治之唇燥舌赤內加連苓解毒治之有一等至八日充灌飽滿撲摸不破而別破無膿毒陷伏也不可作順痘誤入服賽春雷是正法也若數服而猶硬無膿根暈不活生意可知矣然此必神不內寧若神寧痘少不必藥治貫膿時作癢十常六七並準以唇舌藥之但肥破成坑者或乾而無水者皆不治

痘行漿作痛火熱也亦吉兆也丹溪曰諸痛為實是氣滯作痛方內加枳殼山查治之血熱作痛方內加芍藥生地治之八九日寒戰咬牙虛極也唯峻補而已此外無法若頭搖牙顫目閉無鬼者不治又八九日有等土黃而硬者往往作正漿且之不知此為陰陽失政致漿注於中板膩死塞而黃硬也俗呼曰板黃痘須急辦舌治之古有日珠不在天在乎體之明漿不在足在乎色之正土黃者黃而無彩者

也。又有賈膿充足。至九日大便忽欲去。不去。陽明血燥也。方內倍加當歸以潤之。不治則屬落之後。非滯下。必乾熱而死。

灌膿發泡。氣過甚也。本方加白朮。扶芩。滲利之。擦破水出而不能包者。敗草散揜之。八九日最忌皮薄漿清。皮薄則嫩而易破。漿清則水而不膿。書曰。漿假毒成。毒從漿化。若此而幸成者。未之有也。凡皮薄漿清。至九日而躁亂不寧。生死可隔壁斷矣。周歲半歲者。又不必至九日。若七日便墜打不定。指破不乾。萬不

救。一何者。痘以七日為界。七日前氣血外行。七日以後氣血內入。外行時尚不欲留毒。矧內入時乎。故七日後躁亂者。毒攻也。毒攻內者必死。凡灌膿時。額上如湯泡。皮肉盡赤而乾者。死。諸痘纔貫而兩脣先黃硬者。死。擦破無膿血者。死。擦破而瘡痕隱然。有生意者。穢觸也。不當作死症論。

結靨三日訣

痘至十日。毒解矣。膿亦轉黃。作蒼蠟色。元氣實者。痂

必循次而結如口角與陽物先結正收也身漸輕快
腫漸清解眼朦朦而欲開食倍常便如故從上至下
而收結痂厚色紅大事畢矣不然猶未可以為喜
結痂時忽忽發熱者蒸漿作靨也不必慮
凡一時痂盡一痂即落者毒火燦也急解之此症必
膿未充足若聲啞煩悶喘促不食死期迫矣否則必
發癰毒而解

痘至十日正收靨之期靨而不靨非氣虛必血熱也
氣虛方內加參芪丁桂治之血熱方內加芩連解毒

治之氣虛血熱唇舌紅不紅辨之也亦有時令致然
者時之寒也用溫劑以飲之時之熱也用涼劑以清
之

凡不及期眼閉者重輕症不拘又過期眼不開者亦
重十一日眼開期矣

當結靨時渴飲無休津液竭矣方內加生脉散主之
若渴甚而下瀉尤重者為難治凡治渴切勿利小便
便愈利而渴愈甚矣

十日九日半痂半不痂作瀉者不必慮乃陽氣內回

非貫膿時比也。方內倍白朮茯苓治之。切忌溫劑。倘不知誤用後必不食而作痢。

十二三日有形如火燒烟薰者。生死最決。若音不清。食不入。破處乾枯。煩亂不寐。死症也。音清能食。睡臥安寧。爬破淋漓。神舒氣爽。生症也。又當分虛實治。脣古潔淨。溫補兼清解之。脣燥舌苔。單解之。解而苔去。繼以平和。則攻補兩盡矣。

凡當靨時。而流漿不已。為過表故也。然亦有飲水。濕致然者。兩者皆方內倍白朮茯苓。加防蒼燥之。或

腐爛。而和皮脫去者。倒靨也。方內加人參。丁桂。主之。破者復灌。消者復腫。空虛復出一層。治功也。俗呼曰翻空痘。逆症有此。大吉也。靨後腮紅。脣乾。面色帶紫者。肺癰將作也。連翹飲治之。桔梗。知母。百合。麥冬。宜常服。

痘至結靨。未及結痂時。必定作氣息者。第腥臭者佳。尸臭者死。全無氣息。知有餘毒也。須解之。額與足遲靨者。獨陰獨陽也。額與足先靨者。重反陰背陽也。當靨之時。凡見腹脹。氣喘。咽爛。不食。或脣白。

至言。泄瀉悶亂昏沉不省。作坑尸臭。目中無神。寒戰
噤牙。手足搖動。皆死症也。間有一二不死。亦幸活耳。

落痂餘毒訣

痘至落痂。一大事。工案了手矣。子尚有言否。曰。是何
言也。末路難恃。功虧一篑。正此之謂也。如痂久不脫。
或堆如雞屎。薄如竹膜。泡發丹纏。癰腫疔潰。或疹或
痲。或嘔吐作渴。或赤白痢。或咳嗽。或虛煩不眠。坐立
微顫。脣不蓋齒。咽啞腹痛。或熱或發癢。而形色粉紅。
非險乎。又如破而不貫。坑陷乾枯。驚搖無覓。走馬牙

疳。目暗吊白。或胃高而喘。戰掉不休。疤痕之色皆粉
白。不紅非逆乎。且氣血初定。相火易煽。卽靨後疤紅。
而不禁辛熱。猶致目疾。不避風寒。猶發瘡。不節飲
食。猶成吐痢。諸症。子何以無事。且之。

靨漸結。漸落。色明而厚順也。或粘肉不脫。或嵌入肉
中。或半粘半揭。或痂半有衣。或薄如竹膜。色煤黑者。
險也。有虛實寒熱實而熱者。連翹飲主之。虛而寒者。
方內加參芪肉桂治之。治癢色亦然。紫紅者實也。粉
紅者虛也。粉白者氣血衰也。氣血衰服藥不轉者死。

痘後癰毒非痘之過乃醫之過也當發不發則成癰
不當補而補則成癰癰者壅也元氣內實毒不能出
故尋竅而出經曰營氣不從逆於內裏則生腫是矣
曲池委中二陰交會之地毒多壅此虛故也然有實
者有虛者形體怯弱食少微熱腫處不痛虛也形體
壯盛身熱能食痛時不已實也虛者流氣飲實者連
翹飲外並以必勝膏貼之潰而出膿大補湯久不收
口者生肌膏塗之凡多癰不食嘔瀉不休睛慢唇白
而膿出清水者死醫後病目俗皆謂目中出痘如果

痘也胡不見報痘成膿而遂結茄耶此症亦醫之過
也古云熱蘊於肝則目病確言也有赤腫而痛不能
開者赤腫涼肝散翳膜涼膈散切忌點藥睛突瞳陷
不能治矣痘初出而即用護眼法烏有後患
凡口疳背胃熱致之有輕者重者有死不治者滿口
白糜或紅點簇輕症也靈棗丹吹之唇舌腫硬牙齦
黑爛成疳者重也內服甘露飲外吹靈棗丹爛入喉
者亦以藥吹之色如乾醬臭爛日甚而鼻發紅點者
死俗名走馬疳然此亦醫之過也

痘後腹痛甚重須分治之傷食和中丸餘毒連翹飲
血虛本方去翹桔加參芪乾薑治之腹痛見舌白者
死元氣竭也

驚發痘後書云莫救者是目閉無鬼更兼吐瀉唇白
肢冷如熱甚小便閉塞或素有驚疾又非不可治者
痘後出瘡名曰痧蓋痘落發此吉兆也不可作尋常
痧瘰治只消疏風之劑丹與癰疹亦然
痘後浮腫囊大如鉢毒匿皮膚以連翹飲加腹皮茵
陳主之有加枳殼倍柴胡

立方

三莖湯 治天行時氣廣出痘瘡日自服之出時必
少

小赤莖 黑莖 棗莖 各五錢 甘草節 一錢

水煮熟任兒食之久服則不出矣

胡荽酒 治痘瘡初發噴之

胡荽一握酒煎一二沸去渣乳母含口內噴之
從頂至頤身足塗擦週遍滿房門戶灑之

解肌敗毒飲 治痘瘡初起二日內服

柴胡 防風 獨活 前胡

荆芥 各八分 蟬脫 桔梗 薄荷

川芎 紫蘇 紫草 各六分

蔥白三莖 胡荽一握 煎服

鼠粘子湯 治痘疹稠密身熱等症

鼠粘子 當歸 甘草 柴胡

連翹 黃芩 黃芪 地骨皮 各等分

水煎不拘時服

人參透肌散 治虛而有熱 雖能出快長不齊 救急

於肌膚者

人參 自朮 自茯苓 紫草

當歸 白芍 木通 蟬脫

益元湯 甘草 糯米 各五分

水煎不拘時服

犀角地黄湯 治血熱痘初出太熱 大便黑澀或鼻

衄小使出血 方見傷寒門

保元湯 治痘瘡初出圓暈成形 乾紅少潤 然毒尚

淺急服此劑

丹毒... 卷六

甘草 各一錢

水煎不拘時服。

紫草散 治痘瘡黑陷。氣血虛弱。痘疹不起。

紫草 甘草 黃耆 糯米 各一錢 五分

水煎溫服。

益元散 治痘疹煩燥作渴。調下二錢。方見傷寒門

流氣飲 治虛而結癰者。

當歸 川芎 赤芍 黃耆

人參 各五分 甘草節 廣木香 紫蘇

烏藥 各四分 桔梗 厚朴 枳殼 各三分

水煎服。

十神解毒湯 治見點三白身熱等症。

丹皮 紅花 赤芍 川芎

當歸 生地 木通 桔梗

連翹 甘草 等分

淡竹葉十片煎服。

生脉散 治氣虛口乾舌燥。方見中暑門

連翹飲 治熱毒蓄內。痘不肯出者。

黃連 黃柏 山梔仁

大黃 石膏 蟬蛻 牛蒡子

紅花 各八分 升麻 三分

燈心三十莖煎服。舌上無苔。去大黃。

和中丸。治痘後傷食腹痛等症。

陳皮 厚朴 枳殼 麥芽

山查肉 各一兩 五錢 白茯苓 白朮 各一兩

神麩 三兩

右為末。神麩打糊為丸。每服一二錢。滾白湯下。

醍醐飲。治見標太重。以此托之。

當歸 桔梗 白朮 川芎 各一錢

熟地 二錢 桂枝 六分

水煎溫服。

大補湯。治毒流膿不止。氣血兩虛。

人參 白朮 白茯苓 苡甘

當歸 川芎 白芍 熟地

黃耆 肉桂 白芷 連翹

金銀花 各等分

水煎溫服。

救苦丹 自發熱至見點多獲其効。四日前毒甚者服。

羌活

防風

升麻

麻黃

大衛生地

吳茱萸

黃柏

連翹

各五分

當歸

黃連

各三錢

川芎

藁本

酒芩

生芩

蒼朮

各二錢

細辛

甘草

白朮

陳皮

紅花

各一錢

右為末。蜜丸。龍眼大。每服量入。大小加煎劑內。同

服

滿天秋 自發熱至起脹時有熱症者皆可服。

石膏

一兩

茜草

寒水石

人中白

各三錢

甘草

紅麴

各二錢五分

鬱金

紫草茸

辰砂

各二錢

右為末。每服三錢。燈心湯調下。

賽春雷

治紅紫焦枯。或因風寒。痘不起發。內熱壅

甚。痘鬱不出。自發熱七日前皆可服。

麻黃

紫草

各一兩

甘草

白附子

各五錢

殭蠶 各三錢 穿山甲 一分

蟾酥 一錢 蜈蚣 一條 全蝎 八分 共

右末另以麻黃二兩紫草紅花各一兩酒水各一

碗煎去渣再熬成膏入蜜三兩再畧熬同前未搗

丸如龍眼大每服一丸燈心湯化下

熱見愁 凡見唇燥舌苔即宜服之

燒人糞 兩 黃芩 黃連 黃柏

山梔 俱酒炒 升麻 三錢

右為末每一二錢量人大小加入煎劑同服

千里馬 疏瀉之劑無舌苔不可服

大黃 一兩 酒 紅麴 五錢 川芎

烏藥 各三錢 蚯蚓 去泥土 一兩

右為末另以太黃四兩熬膏加蜜少許為丸如龍

眼大每服一二丸入煎劑同服

一丸春 治一切頂陷不貫者

天麻 殭蠶 天花粉 各三錢 五分

全蝎 甘草 各二錢 象皮 光烏 各三錢

礞石 硃砂 狗寶 各一錢 牛黃 五分

麝香 三分

右為末。元米飯為丸。如龍眼大。硃砂為衣。每服一丸。臨臥時酒漿化下。

歛膿散 治當靨不靨以此收之

黃耆 蜜炙 枸杞子 白芷 甘草

何首烏 各一兩 蜜炙

右為末。每服二錢。米飲調下。

護眼膏 治見點兩眼腫赤。肝脾二經熱甚。以此塗之。

甘草 黃柏 大胭脂 各一兩 共為末

菘苳 五合水五碗。浸一晝夜。去苳。

以菘苳水加紅花四兩煎至一碗。去渣入前末。成膏塗眼眶上下。

涼膈散 治痘後羞明怕日翳膜遮睛

當歸 川芎 柴胡 黃連

龍膽草 防風 蟬蛻 密蒙花 各六分

右為末。以豬猪肝一兩切片同煮服。

四聖丹 治七日外有疔以此點之

四聖珍珠 三分 莞荳 四十粒 男髮 煨灰存 性一錢

雄黃 六分 水片 一分

右為末以紫草二兩麻油熬膏調點

必勝膏 治貼腫毒每白兩換

葱白不拘多少搗爛入蜜和作餅貼患處

靈棗丹 治走馬牙疳并一切口疳吹之立効

小青蝦蟇 三十箇 生礬 一錢 南棗 五枚 去核

銅錄 一分 麝香 三釐

右共搗爛鹽泥封固火煨存性去泥為末吹之

綿蘄散 治痘後爛不收口

綿蘄二十箇以生礬裝滿為度火燒炙乾為末

每一兩蜜陀僧五錢白芷二錢

右為末白蜜調敷

生肌散 治靨後疔潰成坑內見筋骨者

赤石脂 伏龍肝 輕粉 黃柏

血竭 杭粉 各一錢 黃丹 髮灰

乳香 沒藥 各五分 水片 三分 蜜陀僧 一錢

右為末搽上如有臭氣加阿魏三分

薰癢法

茵陳

白芨

荆芥 各等分

為末以紙條薰之

逐蛆法

以絲瓜搗汁噴痘上其蛆自出

又方以柳葉鋪床又有皮厚不能出者用銀針挑破滴油入內蛆見油即出外用花椒水浴之

痧麻

夫痧麻出自六腑先動陽分而後歸於陰經故標屬陰而本屬陽也如未出時或已出而不出之不明者即

當發散必先明其歲氣如時令溫煖以辛涼之藥發之時令暄熱以辛寒之藥發之時令嚴寒以辛熱之藥發之時令或寒或熱以辛平之藥發之但發得出則毒盡解若發不出再加藥發之要其大綱雖是熱症然不可驟用涼藥恐遏絕邪氣於內而不得出多有不救者宜解毒發散為主若發熱之時遍身汗出者此毒從汗散有鼻中血出者此毒從血解若上吐下利則毒從吐利解俱不可遽止若太過斟酌止之痧已出其色喜紅潤極忌紫黑如有咽喉腫痛不能

飲食者此毒火拂鬱上薰咽喉也。咳嗽口乾心煩者。此毒在心肺發未盡也。痧已出而瀉尤不止者。最爲惡候。出已遍身而尤拂拂煩熱。頻作嘔吐者。此毒未盡。留連於脾胃之間也。

立方

解毒湯 治痧症初起。天時溫暖。

- 防風 薄荷 荆芥 石膏
- 知母 各八分 桔梗 甘草 牛蒡子
- 連翹 木通 枳殼 各六分

淡竹葉廿片煎服。

清毒湯 治初起夏月太熱。

- 黃連 黃芩 防風 荆芥 各一錢
- 桔梗 石膏 玄參 木通

山梔仁 各八分

淡竹葉廿片煎服。

化毒湯 治痧症初起。冬月寒冷。

- 桂枝 麻黃 赤芍 防風 各八分
- 荆芥 羌活 桔梗 人參

川芎各五分 牛蒡子一錢

生薑三片煎服

清寧湯 治症汗出太多鼻血不止

當歸各一錢 連翹 石膏 黃連各一錢

生地各一錢 麥門冬 玄參各七錢 甘草各一分

浮小麥一錢煎服 木通

玄桔湯 治痧症咽喉腫痛

前毒玄參各一錢 桔梗 大牛蒡子 連翹

天花粉各一錢 甘草各一錢

淡竹廿片煎服

清金飲 治痧症咳嗽口乾心煩

天花粉 桔梗 桑皮 知母各七分

玄參 連翹 乾葛各八分

燈心三十莖煎服

必勝飲 治痧已出而瀉不止

陳皮 厚朴 蒼朮 白茯苓

牛蒡子 澤瀉 木通各八分

生薑一片食前煎服

和榮散 治痧已出 渾身發熱

當歸 川芎 生地 麥門冬

白芍 木通 甘草 各八分

心燈心三十莖 前服

靈功飲 治痧後痢疾

當歸 黃連 川芎 各八分 人參 三分

廣木香 枳殼 滑石 檳榔 各六分

甘草一分

燈心三十莖 食前溫服

治痧發不出 蔥一握 搗汁一盞 入酒漿一盞 同服

又秘方 櫻桃核四十九粒 甘草五分 煎服

痧出紫黑 急以入糞燒存性 酒調五分 立刻變紅

瘡瘍科

諸痛癢瘡瘍 皆屬心火 則瘡瘍之疾 非外得也 而昔

人列之為外科者 以形症在外 非若內症之無形可

見也 然外之所成 皆內之所發 未有不由臟腑而出

者 其可視以為外症而忽之乎 瘡瘍之中 癰疽為甚

而大疔之毒 尤甚於癰疽 故治大疔者 十活其二

治疽者十活其五六治癰者十活其八九惟毒有淺深故治有難易耳然何以辨其癰疽大疔哉亦視其腫之高下地之廣狹脉之浮沉而已蓋癰者壅之義也氣血為毒所壅瘀而不行故發而為癰其初發之時必灑淅惡寒而身微熱多生於背與項在背之上部或左或右為上搭手在背之下部或為正發生於腦後者為對口比之上下搭手尤為毒也凡癰皆掀然熱而腫高其勢易天其根不甚深從乎陽也疽者沮之義也氣血為毒所阻滯而不行故發而為疽其

初發之時亦灑淅惡寒先覺麻癢如痞癩之狀按之內實手推不能動多發於背腰肩隅之間及小腹胃傍其發股足之間者名附骨疽凡疽皆腫不甚高勢不易天而其根反深惟發於背心及股者為至重乃五臟所發從乎陰也疔者丁之似也猶釘之在木拔之不能出搖之不能動其根至深其毒至甚其頭至硬其初發之時反不知痛癢但不覺麻木外雖如麻裏則如瓜及其勢甚則痛苦異常應心入膽而不可忍乃五臟六腑所發之火煨煉已久并合於一處而

生疔者多見於面部骨節之間而究其毒之所從來
多由於飲食服餌之中經曰膏粱之變足生大疔凡
肥甘厚味炙博煎熬之物最能助火嗜味之人恣供
口腹醉之以酒勞之以色脾土於是乎燥烈腎水於
是乎枯竭積之既久留於五臟佈於六腑火鬱而不
散乘其氣血所虛之處而發之根抵於內而煩熾於
外其毒甚於鴆鳥試割其肉以飼鷄犬立見其斃此
大疔之所以多成也若夫似疔而非疔者則俱以腫
毒治之而無大害然二者之脈何以辨之蓋浮而數

者毒氣在表故知其為癰沉而數者毒氣在裏故知
其為疽若沉而又滑數而弦急者必疔也此皆有形
之可見者雖其治有難易猶可因其症而施之至於
腸癰腹癰肺癰之類皆為內癰其狀與癰痕瘡癰無
異苟或以為內科之症而進以削堅破結之劑所治
非其所患幾向而不殞人之命也太法瘡瘍之在外
者初發無如一灸艾烟一透其毒立效若延至六七
日則不可灸矣毒之淺者點之毒之深者決之毒之
尤深而針刀所不及者則烙之未成毒膿則用化毒

既成膿則用托裏此外在人之臨症機變矣

發背門

陰發難治陽發易醫為治之法或疎散或消毒或針烙或內托或外消或瀉或補隨其虛實寒熱而調治之又當辨其五善七惡如痛息自寧飲食有味一善便利調勻二善膿腫自消色鮮不臭三善神彩光明聲音清朗四善體氣平和為之五善腹痛而渴瀉利無度小便如淋一惡膿大潰掀腫猶甚臭敗莫近二惡喘急氣促恍惚嗜臥三惡毒氣攻心藥食嘔逆四

惡聲嘶色脫面目如垢脣青鼻黑四肢浮腫五惡二便不通煩燥時咳六惡四肢沉重未潰先黑陷下為之七惡

立方

神授衛生湯

治發背并腦疽對口諸惡毒未成者

即消已成者即潰藥性平和功效甚速

羌活

防風

白芷

穿山甲

沉香

紅花

連翹

石決明

各六分

金銀花

皂角刺

當歸尾

甘草節

天花粉 乳香各八分 大黃酒炒二錢

消腫托裏散 治發背不拘上下左右並一切癰疽腫毒

人參 赤茯苓 白朮 滑石

桔梗 金銀花 荆芥 山梔

當歸 川芎 黃耆各一錢 赤芍

蒼朮 麻黃各七分 大黃三錢 黃芩

防風 甘草 薄荷 連翹各八分

石膏 芒硝各一錢五分

水酒各一鍾煎服

灸法 如發背初起時背上微有紅腫重墜即是發背以此法立時消散屢屢効驗

用河邊水中泥先挖去一尺許再取一大塊同人糞杵極熟做一餅如碗大頂上以針通一細孔放在患處外用艾火灸之如痛灸至不痛不痛要灸至痛住

薰發背奇方 治發背七日後未成者自消已成者

自潰不起發者即發不腐潰者即腐

雄黃 硃砂 血竭 沒藥 各二錢

麝香 五分

右為細末每用二分綿紙裹藥為撚長尺許以蒜油潤透炷火離瘡半寸許自外而內周圍徐徐炷之初用三條加至五條候毒勢漸消漸減散毒飲治發背三五日間身上灑浙惡寒疼痛急脹如未成膿即消已成即潰調氣血和脾胃使毒不攻心

乳香 沒藥 天花粉 黃耆

防風 各一錢 當歸 白芷 桔梗

穿山甲 各一錢 皂角刺 連翹

陳皮 金銀花 牡丹皮 川芎 各八分

水煎食後服

蠟磬丸 治發背癰疽並一切腫毒服之能護心膜毒氣不能攻心

黃蠟 一觔 明礬 八兩 硃砂 八錢

先以蠟鎔開入明礬末攪和投水中衆手丸如棗

荳大珠砂為衣每服百丸白滾湯下

生肌丸 治一切發背疽毒服此長肉收功

黃蠟 一觔 乳香 研細 沒藥 研細 血竭 各三兩 研細

象牙末 四兩

先用蠟鎔化再入乳沒等藥和勻投水中眾手丸

如菘荳大每服百丸一白二服

吸毒竹筒 治發背癰疽腫毒以此拔出膿血惡水

蒼朮 白斂 厚朴 艾葉

白芨 烏相皮 芽茶 白蒺藜 各等分

如法用竹筒六七箇長二寸一頭留節削去青令極薄隨大小用之以藥煮筒十數沸煮乾為度乘筒熱按上緊吸瘡口膿水滿自脫落不然用手拔脫更換別箇竹筒如此三五次毒盡消矣
托裏定痛散 治發背潰後血虛餘毒未盡作疼

歸身 熟地 各二錢 乳香 沒藥

川芎 白芍 各一錢 肉桂

栗殼 各一錢五分 泡 去筋膜蜜炒

水煎食後溫服

五寶飲 治發背不肯收口作疼作癢服去即收功

金銀 黃耆 甘草 歸身

人參 各一錢

水二鍾煎八分食後服

生肌神秘散 治發背將收功搽上腐肉即去新肉

即生

白昇藥 兩一輕粉 鉛粉 各一兩 二錢

銀硃 珍珠 豆腐內煮過各四錢

右為極細末搽於瘡口

十全大補湯 治發背已潰寒熱往來或作疼痛膿

多或自汗盜汗氣血兩虧神思倦怠瘡口不斂

人參 黃耆 川芎 白芍

當歸 肉桂 各二錢 熟地 白茯苓

白朮 甘草 各一錢 五分

黑棗五枚食前煎服

癰疽疔 附腦癰 肺癰 腎癰 附骨疽

凡癰疽緣陰陽相搏而生蓋氣屬陽血屬陰血行脈內氣行脈外相並週流寒與濕搏之則凝滯而行遲

為不及熱與火搏之則沸騰而行速為太過氣得邪而鬱津液閉結為痰為飲積久滲入脉中血為之濁血得邪而滯隧道阻隔或溢或結此陰陽不能和暢則癰疽惡毒從此生焉

立方

真人活命飲 治一切癰疽腫毒初起服此止痛立

消散毒

當歸尾

赤芍

防風

白芷

天花粉

穿山甲

乳香

沒藥

皂角刺

浙貝母

陳皮

金銀花

甘草節

各一錢五分

頭生酒水各一碗煎隨其疽毒上下以分饑飽服服後再飲酒數杯

飛龍奪命丹

治一切癰疽并發背疔瘡對口無名

惡瘡未成者服之立消已成者服之即潰疼痛者服之立止此丹乃惡症中至寶

蟾酥

酒化

乳香

沒藥

硃砂

為衣

銅絲

各二錢

明雄黃

三錢

寒水石

各一錢

麝香 五分 蝸牛 二十一箇 連殼用 輕粉 五錢

血竭 一錢 蜈蚣 一條 酒浸炙 黃色去頭足

右為末。以蝸牛研為泥。加蔥汁和丸。如菜菔大。每服三九。先用蔥白三寸。令病人嚼爛。放手掌中。將丸裹在蔥白內。用熱酒送下。於被覆暖取汗。如未看汗。又飲酒數鍾。以助藥力。

立潰拔毒膏 點破諸般惡毒癰疽瘡癤

糯米 二兩 南星 當歸 赤 硃砂

斑猫 各三錢 好石灰 一兩 皂角 燒 桑柴灰

真炭灰 皂角灰 毛竹 去青 芝蔴 焙灰 各三兩

右以五樣灰淋汁。鍋內慢火熬之。面上起白霜。為度。調前四味。點於患處。

太乙神應膏 治發背癰疽。疔瘡。瘡毒。跌打損傷。心

疼。腰痛。一切外科百病。無不効驗。

川烏 草烏 黃連 黃柏

赤芍 白芍 玄胡索 當歸尾 各二錢

良薑 木鱉子 殭 亂髮 各五錢

紫荊皮 地龍 石南藤 穿山甲

白芷	川芎	白牽牛	槐花
五倍子	地骨皮	杏仁	花椒
大茴香	茅香	玄參	蒼耳子
桂皮	南星	瓜蒌仁	苦參
蒼朮	五加皮	防風	熟地
蜜陀僧	丁香	內消	生地
藁本	各一錢	何首烏	細辛
江子	三十粒	去殼	草薺子
早蓮草	人參	百藥煎	黃芪
			去殼
			三十粒
			五分
			各二錢

甘草節 羌活 五靈脂 獨活

地蜈蚣根 各一兩

前藥各為咀片。用麻油一觔半。浸一宿。入銚內。文武火熬至黑色。濾去渣。却將後藥為末。次第加入。

廣木香 安息香 琥珀 麝香 各二錢

乳香 沒藥 血竭 降香

韶粉 自然銅 各一錢五分 醋淬三次 桑白皮

白芨 白欬 雄黃 各五錢 黃丹 六兩 夏茸 加三兩 炒黑色

右各為末。入油。次下黃丹。以槐柳條。不在手攪。滴

木成珠為度諸品要選真正道地者虔誠煎煮自然應驗

千金內托散 治癰疽惡毒未成者速散已成者速潰此方活血調氣祛風解毒和脾補虛

黃耆 人參 各二錢 防風 厚朴 各二錢

當歸 白芷 薄荷 桂枝 川芎 各二錢

甘草 桔梗 各一錢

酒煎溫服

紫金錠 治一切癰疽瘡癤發背惡毒每服三錢酒

磨送下外以磨敷上其毒漸漸消散方見痰門

附腦癰

立方

黃連救苦湯 治腦癰初起增寒發熱頭面耳項俱腫服之立消

黃連 赤芍 各一錢

升麻 八分 柴胡 乾葛 川芎 各一錢

當歸尾 二分 連翹 防風 各一錢

羌活 黃芩 甘草 各二錢

羌活 黃芩 甘草 各二錢

水二碗煎八分。臨服加酒一鍾。食後服。

保安湯 治腦癱已潰。流膿肉痛。飲食減少。

黃耆 麥門冬 藿香 各一錢

當歸 白茯苓 川芎 各一錢

桔梗 半夏 陳皮 白朮

甘草 人參 各一錢

黑棗五枚。食後煎服。

飛龍奪命丹 治腦癱初起。灑浙惡寒。頭腦脹痛。日

服二次。方見前。

十全大補湯 治腦癱已潰之後。膿水出多。氣血兩

虛。精神短少。飲食少進。煩燥不眠。日晡潮熱。方見

發背門

附肺癰

立方

平肺飲 治肺癰初起。咳嗽氣急。胸中隱隱作痛。嘔

吐膿痰。

人參 麥門冬 赤芍 檳榔

赤茯苓 陳皮 桔梗 甘草 各一錢 五分

水煎食遠服

清肺飲 治肺癰咳吐膿痰。胃膈脹痛。上氣喘急發

熱

銀柴胡 玄參 陳皮 桔梗 各一錢

白茯苓 地骨皮 麥門冬 薏苡仁

人參 甘草 瓜蒌仁 各八分

燈心三十莖煎八分食遠服

排膿散 治肺癰已吐腥臭之痰服此排膿補肺

黃芪 白芷 北五味 人參 各三錢

右為細末每服二錢食後白滾湯調下

八寶飲 治肺癰咳嗽日久痰帶腥臭身熱虛羸

白茯苓 桔梗 貝母 人參

北五味 天門冬 胡黃連 熟地 各等分

水煎食後服

附腎癰

腎癰生於小腹之後位遠僻臭氣亦罕到血亦少。凡生是癰者乃濕熱凝滯聚結而成此毒也。

立方

活血散瘀湯 治腎癰初發紅赤腫痛重墜如石及

大便秘澀

川芎 小當歸 防風 赤芍 各一錢

蘇木 連翹 天花粉 皂角針

紅花 黃芩 枳殼 各一錢

大黃 三錢 天門冬 附子 人參

水煎食前服

十全大補湯 治腎癰出膿後服十餘劑外貼太乙

膏 方見發背門

內消沃雪湯 治腎癰未得出膿堅硬腫痛不可忍

者

青皮 陳皮 乳香 沒藥

連翹 黃耆 當歸 甘草節

白芷 射干 天花粉 穿山甲

貝母 各一錢 白芍 金銀花 皂角刺 各八分

廣木香 五分 大黃 三錢

水酒各一碗煎服

附骨疽

立方

黍米寸金丹

治附骨疽并諸腫毒神效

乳香

沒藥

雄黃

狗寶

輕粉

烏金石

各三錢

蟾酥

礪砂

各四錢

白粉霜

水銀

黃蠟

各五錢

鯉魚膽

三箇陰乾

狗膽

一箇

白丁香

金頭蜈蚣

七條酥炙黃色

人乳

頭胎者佳

右為末先以乳蠟二味熬成膏同藥為丸如菜菔大。大人三丸小兒一丸重者五丸蔥湯送下衣被

密蓋出汗為度

當歸拈痛湯

治附骨疽因濕熱下注腿脚赤腫痛不可忍

不可忍

羌活

當歸

防風

茵陳

蒼朮

各一錢

苦參

升麻

白朮

各七分

葛根

甘草

黃芩

知母

澤瀉

猪苓

人參

黃柏

各五分

水煎溫服

托裏黃耆湯

治附骨疽初起腫痛外貼太乙神應

膏方見本門

黃耆

當歸

柴胡

木瓜

連翹

羌活

肉桂

生地

黃栢各等分

水酒各一鍾煎服

羌活防已湯

治附骨疽初發於太陽太陰厥陰分

者

羌活

川芎

蒼朮

防已

木香各一錢連翹

射干

甘草

赤芍

木通

歸尾

蘇木各一錢二分

水酒各一鍾煎服

黃連消毒飲 治附骨疽在腿外側堅硬漫腫作痛

不能行步

黃連

羌活

黃栢

黃芩各一錢二分

防已

生地

防風

歸尾

知母

獨活

陳皮

黃耆

人參

蘇木各一錢

水煎溫服

十全大補湯 治附骨疽將愈時服十餘劑永無他

患 方見發背門

乳癰門

附乳巖

腸癰

囊癰

夫乳病者乳房陽明胃經所司乳頭厥陰肝經所屬
乳子之母不善調養以致乳汁濁而壅滯因惱怒所
傷氣滯凝結而成癰毒又有憂鬱傷肝思慮傷脾積
想在心所願不得志者致於經絡痞澀聚結成核初
如莖大漸若葦子半年一載二載三載不疼不癢漸
漸而大始生疼痛痛則無解日後腫如堆粟或如覆

碗紫色氣穢漸漸潰爛深者如巖穴凸者若泛蓮疼
痛連心出血作臭其時五臟俱衰四大不救名曰乳
巖凡犯此症百無一生宜清肝解鬱益氣養榮患者
清心靜養無掛無礙服藥調理苟延歲月而矣

脉云

乳癰之脉多於弦緊弦數鬱火弦滑鬱痰

立方

牛蒡子湯

治乳癰結腫疼痛之甚服此立散

牛蒡子

陳皮

山柅

金銀花

瓜蒌仁 天花粉 黃芩 青皮 各一分

連翹 柴胡 各一錢 甘草 三分

水煎臨服加酒一鍾同服

消癰散毒飲 治乳癰惡寒發熱焮腫疼痛服此立

消

青皮 浙貝母 天花粉 各二錢

蒲公英 開黃花即滿地金 連翹

鹿角屑 當歸 各一錢

水酒各一鍾煎服

飛龍奪命丹 治一切乳癰已成未成者 方見癰疽

散腫湯 治乳癰未成一服立消外貼太乙神應

膏 方見癰疽門

青皮 石膏 各二錢 甘草節 瓜蒌子

沒藥 蒲公英 即滿地金 金銀花

當歸尾 各一錢 青橘葉片 二十

水酒各一鍾煎服

附乳巖

立方

青橘飲 治婦人百不如意。久積憂念。乳內有核。不
癢不痛。將成乳巖。

青皮 五錢 醋炒 橘葉 三十片

水煎食遠服

神功飲 治婦人乳內一核。初起如錢。不作疼痛。三

五年成功。紅腫潰時無膿。惟流清水。形如巖火之

凹

忍冬藤 蒲公英 甘草節 金銀花 各二

瓜蒞 一個 連殼

生酒煎服

十六味流氣飲 治乳巖赤腫疼痛

人參 黃芪 當歸 川芎 各一錢 五分

肉桂 白芷 厚朴 甘草

桔梗 防風 烏藥 檳榔 各一錢

赤芍 枳殼 廣木香 蘇梗 各八分

水煎食後服

附腸癰

腸癰。因濕熱流。入小腸而成。小腹急脹。按之則痛。小

便淋數時時出汗惡寒發熱腹皮堅實高腫透臍生瘡是也。

立方

神通散 治腸癰不拘已成未成服之膿血皆從大便中出。

出過蠶蛾 燒灰

大黃 各六 穿山甲 炒

牙皂 各五

右為末每服一錢酒調下。

化毒飲 治腸癰腹癰初起小腹腫痛急脹。

木通 四錢 黃連 青皮 乳香

沒藥 大黃 各三錢 九

生薑三片水二碗煎服。

牡丹皮湯 治腸癰腹濡而痛以手按之則止或時時下膿。

人參 丹皮 白芍 赤茯苓

黃耆 桃仁 去皮 薏苡仁 白芷

當歸 川芎 各一 廣木香 甘草

官桂 各五分

水煎食前服

排膿湯 治腸癰小腹脹痛裏急後重時時下膿

黃芪

穿山甲

白芷

當歸

各一分

金銀花

防風

川芎

瓜蒌仁

各一分

水煎食前溫服

十全大補湯 治腸癰小腹脹痛膿下無時方見發背門

附囊癰

囊癰者乃陰虛濕熱流注於囊結而為腫至潰之後
畢丸懸掛猶不傷入其毒從外發治當補陰清利濕

熱為主

立方

如意黃金散 敷囊癰初起紅赤腫痛發熱墜重者

天花粉

黃柏

大黃

薑黃

各五分

白芷

三兩

厚朴

陳皮

甘草

蒼朮

南星

各二兩

右為末以蔥汁同蜜調敷患處

清肝滲濕湯 治囊癰肝經濕熱結腫小水不利發

熱熾痛

丹臺玉案

卷之六

十一

川芎

當歸

龍膽草

生地

白芍

柴胡

各一錢五分

天花粉

山梔

黃芩

木通

澤瀉

燈心三十莖食前服

滋陰內托散

治囊癰已成腫痛發熱有膿服之即潰

潰

當歸

川芎

白芍

黃耆

各一錢五分

熟地

皂角刺

穿山甲

炒澤瀉

各八分

水煎食前服

懸癰門

懸癰者乃二陰虧損濕熱結聚而成此穴在谷道之前陰器之下又謂之海底穴也初起如豆少癢多痛日久漸大赤腫掀痛潰膿後輕則成漏重則瀝盡氣血變為癩瘡多矣

立方

內消沃雪湯

治懸癰初起增寒疼痛

方見癰疽門

琥珀蠟礬丸

治懸癰并一切癰疽發背已成未成之際恐毒不能出必致內攻預服以護心膜亦散

毒止痛

明礬 一兩 黃蠟 一兩 琥珀 二錢 硃砂 二錢

雄黃 各二錢 乳香 一錢 蜂蜜 三錢

前藥俱為細末將蠟溶化再未藥并蜜攪勻衆手急丸如棗豆大硃砂為衣每服三十九白滾湯下病重早晚日進二次神効治懸癰日久不潰高硬腫痛不可當神功內托散

者

人參 白朮 各二錢 白芍 當歸

附子 陳皮 穿山甲 木香 各一錢

川芎 枳殼 皂角刺 黃芪 各一錢

生薑三片煎八分食前服

透膿散治懸癰并一切疽毒已成不肯穿破者服

之即潰

穿山甲 炒 當歸 各一錢 黃耆 川芎

皂角刺 各一錢

水酒各一碗食前熱服

生肌丸 治懸癰不能收口每日早晚服之即愈

見發背門

疔瘡門 附癰瘡 膿瘡

夫疔瘡之初生也人多不覺生於頭面手足肚脇腰腿間亦無定處一二日必作寒熱似癰頭疼體痛不可忍其痛法異於尋常之症須遍身覓之有小瘡頭腫黑根赤色而其形壯者即外疔也又有內疔與外疔同亦發寒熱但瘡形不見過數日一處腫起即內疔也

立方

追毒飲 治一切內外疔瘡神效

歸尾 川芎 各八分 荆芥 乾葛

烏藥 獨活 赤芍 各六分 白芷

升麻 各四分 羌活 甘草節 防風

枳殼 紅花 蘇木 各七分

水二鍾煎八分食遠服

金蟾丸 治一切疔瘡

草烏 雄黃 硃砂 海金沙

輕粉 各二錢 蟾酥 三錢 酒 煎化

右為末以蟾酥為丸如菘菹大每服三丸用葱白一寸夾藥在內灰火中煨令香取起帶葱連藥嚼下白滾湯送之被蓋出汗

拔毒丹 治一切疔瘡

蟻娘 一個去翅足

礶砂 五分 白砒 三分

右為末以葱汁為丸如菘菹大先以三稜針刺破瘡將此丸以額簪脚捺入須更大痛變作黃水而出

解急飲 治一切疔瘡

野菊花搗汁一盞滾酒送下一白連進三服

又方馬齒莧搗爛加醋少許敷在疔上立刻拔出

又方醬板草搗爛加醋少許鹽二分敷患處神効

紅玉散 治疔瘡不收口

輕粉 各三錢 珍珠 四錢 甘草 三錢

黃連 各二錢 鉛粉 各二錢

右為細末搽上即愈

代針膏 治疔瘡堅硬作痛並諸毒難潰者點上即

時出膿

其鹹水二碗入硃砂五分煎至一碗加入翫灰二
升檢兩待化過再熬至乾入白砒末三錢銀銷末三
錢仍入好醋研和收貯器中
神驗方專治一切疥瘡初起一敷即散

爛鷄糞 蝸牛 七個 荔枝肉 一個 杏仁 七粒

珠王銀硃 三分

又右四味同爛鷄糞搗勻貼在患處
又附癬瘡其法取爛鷄糞搗勻貼在患處
立方亦甚效

拂光散 治一切頑癬

斑猫 去翅 大楓子 各二錢

枯礬 輕粉 各三錢 白砒 五分

右為細末醋調擦患處

又方 治陰癬

川槿皮 二錢 檳榔 番木鱉子 各五個

以上三味用陰陽水三碗煎至一碗入後藥

巴豆 大楓子 肉 斑猫 各十個 麝香 四分

輕粉 三錢

右爲末以前藥水調和將穿山甲刮微破用筆蘸塗之六日全愈。

浮萍丸 治一切陰陽頑癬。

紫背浮萍 蒼耳草 蒼朮 各二兩

苦參 三兩 黃芩 殭蠶 鉤藤

蕃荬草 防風 各一兩 五錢

右爲末酒法爲丸每服二錢白滾湯送下。

効妙散 治一切頑癬并楊梅癬亦効。

蜜陀僧 雄黃 各三錢 白砒 二錢 枯礬 五錢

硫黃 火煨入燒酒煮過埋土中一宿一兩。

右爲細末抓破患處以煨熟薑切開蘸藥擦上七日全無。

日全無。

附賺瘡

立方

萬金膏 治賺瘡久不收口。

黃連 粉霜 各三錢 輕粉 鉛粉 各二錢

樟腦 銀硃 各五分 冰片 三分

右爲細末以猪脂溶化入前末留冰片候冷加入。

和勻攤貼神效

赤玉膏 治內外腫瘡

血竭 黃丹 血餘 煨灰 寒水石 煨過各一兩

珍珠 一錢五分 黃蠟 六兩 猪脂 一兩

右為極細末先以黃蠟猪脂溶化再入前末攪勻攤貼瘡上

洗方

黃柏 花椒 杏仁 防風 苦參 荆芥 各等分

右藥水煎去渣洗瘡以絹拭乾再貼赤玉膏

療癰門 附湯火 金瘡

癰癰皆猶於痰毒風熱所致先起之於少陽一經因不守禁忌延及陽明經緣是食味之厚鬱氣之積故發此症也

立方

真人活命飲 治癰癰未潰連服五劑立消 方見癰

紫金錠 治癰癰初起磨五錢滾酒下外以井水磨敷 方見痰症門

飛龍奪金丹 治瘰癧已潰未潰每服二九葱酒送下。方見癰疽門

蠟磬丸 治瘰癧未潰時滾湯送下三錢漸消止痛

生肌神秘散 治瘰癧潰爛不得收口摻之。二方俱見發背門

附湯火

玄妙飲 治湯火所傷先服恐火毒攻心

川黃連 天花粉 玄參 各二錢 陳皮

桔梗 山梔 各一錢 五分

淡竹葉廿片前服。

黑龍散 治一切湯火傷以此敷之

山木炭 黃連 大黃 各等分

右為末以生桐油敷患處

附金瘡

秘驗桃花散 治刀刃所傷出血不止

石灰 一升 大黃 五兩 切片同炒 紅色篩去大黃

右炒過石灰以水牛膽汁拌勻復裝入膽內陰乾為末搽患處

廣瘡門

附結毒

便毒

疔瘡

疔疔

夫廣瘡者。即楊梅瘡也。總猶濕熱邪火所化氣之傳染者。輕精化。慾染者重。

立方

托毒飲 治廣瘡初起

當歸尾

金銀花

天花粉

連翹

各一錢

赤芍

皂角刺

殭蠶

蟬蛻

各六分

芒硝

穿山甲

大黃

各二錢

蜈蚣

一條

水煎空心服。

靈奇飲

治廣瘡一服神効

麻黃

去節春夏六錢 秋冬八錢

大黃

蟬蛻

威靈仙

白芷

各一兩

以羊肉一觔。水五碗。煮去肉。留湯。煎藥。熱服。出汗。

化毒湯 治一切廣瘡

川黃連

木瓜

金銀花

苡仁米

各二錢

肥皂子

七箇

皂夾子

七箇

土茯苓

半觔

猪胰子

一箇

水七碗。先煎胰子。取汁。煎前藥。空心服。

點藥

杏仁 取霜 膽礬 二錢

輕粉 各八分 冰片

麝香

銀硃 各三分

右為末醋調點上

十全大補湯

治廣瘡將愈多服以補元氣日後無

患 方見發背門

附結毒

結毒神效方

治一切結毒并筋骨痛

當歸

川芎 各三錢 肥皂子 七箇 防風

生地

白蘚皮

赤芍

金銀花

牛膝

人參

防己

威靈仙 各二錢

土茯苓

四兩

水四碗煎一碗溫服服後飲酒以助藥力

八寶奇秘散 治一切結毒

鍾乳石

牛黃 各三錢

麝香

冰片 各六分

蟾酥

鴉片

各半分 珍珠

硃砂 各三錢

右為細末收貯臨用時取藥一錢加飛麵二錢同

拌勻分作十服每十服加土茯苓一觔水四碗煎

湯調服

生肌散 治_レ結毒流膿水_レ不得收口_レ。摻患處_レ。方見發背門

附便毒

祛毒飲 治_レ便毒初起_レ。一服即消。

金銀花

穿山甲

各二錢

瓜蒌仁

帶殼一個

全蝎

五個

大黃

五錢

牛膝

甘草

各一錢

水酒各半煎服。

飛龍奪命丹

消腫定疼

方見癰疽門

吸毒竹筒

治_レ便毒已潰膿出不盡用此。

生肌散

治_レ出膿難於收口_レ。摻患處_レ。二方見發背門

附疔瘡疔疔

龍膽瀉毒湯

治_レ一切下疳。

柴胡

龍膽草

山梔

各一錢

大黃

黃連

滑石

木通

各一錢五分

甘草

五分

加燈心三十莖。食前服。

長肌散

珍珠

一兩

乳香

血竭

各三錢

頭髮

煨灰一

絲綿

煨灰

冰片

各一錢

右為末。摻患處。

丹臺玉籍 卷六
碧雲散 治疔筋疔先以杏仁煎湯洗

象牙 泥裹煨 存性
雄黃 煨
鳳凰衣 煨各一錢

雞肫皮 五箇 煨
南棗 煨
面粉

珍珠 茶葉 煨灰各二錢

右為末。搽患處。

痔瘡門 附痔漏

夫痔不分男婦小兒皆有緣富貴之家多患此疾皆因嗜飲麪酒過貪色慾併厚味肥甘椒薑炙博等物以致濕熱流注大腸之經積而成痔蘊蓄日久則變

為漏矣。

立方

和榮清火湯 治痔瘡疼痛。

槐角子 連翹 枳殼 各一錢 川連

當歸 川芎 桃仁 生地

赤芍 各一錢 五分

加燈心三十莖煎服。

壯氣收腸湯 治番花痔。腸落不收。

黃耆 人參 當歸 川芎

廣木香 金銀花 川連各一錢 升麻七分

黑棗二枚煎服

蝟艾丸 治一切痔瘡出血裏急後重

艾葉 槐角 地榆 當歸

川芎 刺蝟皮 貫衆各一兩 頭髮煨存性三錢

猪後甲十箇炙焦

右為末蜜丸每服三錢空心米飲下

熊永散 治內痔

熊膽 冰片 蘆薈 雷丸各二錢

銀珠五分

右為末以胡蘿蔔煨半熟綿裹蘸藥入幽門

附痔漏

清潤湯 治一切痔漏

防風 秦艽各一錢五分 生地

當歸 川連 阿膠各二錢

水煎食前服

秘靈丹 治一切遠年近日痔漏神效

血竭 乳香 沒藥 全蝎去頭足

殭蠶 各三錢
蟬蛻 各三錢
大黃 酒蒸 當歸

象牙 柱末 各八分
穿山甲 炙 頭髮 煨

珍珠 各四錢
川連 槐花 琥珀 各五錢

青黛 刺蝟皮 各二錢五分
醋浸去刺灸

右為末以黃蠟八兩溶化入蜜一兩同前末攪勻

衆手為丸每服二錢空心清茶送下

耳瘡門 附諸蟲入耳

夫耳瘡皆緣三焦濕火肝經風熱並腎家虛火妄動而成瘡者是也

立方

清肝抑火湯

石菖蒲 川連 各三錢
龍膽草 山梔仁

柴胡 當歸 各一錢五分

龍眼肉五枚空心煎服

珍奇散 治耳瘡並耳內流膿

珍珠 蘆甘石 煨 紫草茸 各三錢

麝香 枯礬 各二分

右為細末吹入耳內

附諸蟲入耳

蠅蚊諸細蟲入耳。以蒜油滴數點入竅。蟲自死。取出。
 蜈蚣蜜蜂等大蟲入耳。以肉炙香安耳邊。其蟲聞香自出。
 有蟲夜間暗入耳者。宜正坐點燈光向耳邊。其蟲自出。

諸蟲咬

蜈蚣咬。取蜘蛛一枚於上。即吸其毒立愈。
 壁鏡咬。醋磨大黃塗之。

毒蛇咬。雄黃為末。藍葉搗汁。調敷。內以半枝蓮取汁入酒和汁服。

蜘蛛咬。毒入肉。取芋汁塗之。

蚯蚓咬。入形如大麻風。脊鬚皆落。以濃鹽湯浸浴。數次愈。

蝎咬。白礬一兩為末。醋半碗煎滾。入礬末浸螫處。外以井泥敷之。

蠼螋。廼妖蟲也。隱於牆壁間。尿射入影。遍體生瘡。如湯火傷。以鷄翅毛燒灰。蒜油調敷。

蜈蚣咬。取地下青苔。擦之。又方。以耳末。搽上。其痛立止。
諸獸傷

馬咬。獨顆栗。燒灰。搽上。

鼠咬。麝香。為末。唾調塗。或用貓毛。燒灰。裹之。

貓咬。薄荷汁。塗。

猪咬。松脂。鑿作餅子。貼。又方。屋溜中泥。塗。

虎咬。明礬。為末。摻傷處。裹之。止痛立止。

狗咬。花椒。煎水洗。蔞草。為末。蔞油。調。

狂狗咬。番木鱉。磨水。服二分。其傷。以蔬油。燈火。刺之。再服雷橫散。

雷橫散。治狂狗咬。一服即愈。行下有胞衣。包之。一申約六七箇。先看如頭上有紅髮。一根已傷五臟。不可救矣。

白丑

黑丑

大黃各六錢 雄黃 一錢

右為末。大人二錢。小兒一錢。黑砂糖湯調下。


丹臺玉案六卷終

丹臺玉案

六卷

百六

正保元年睦月吉日辰



二條通 鶴屋町由原仁左衛門梓行

天保三年

